

Gedichte

in

hochdeutscher, pfälzischer und ober-
bayerischer Mundart

von

Franz von Kobell.

Zweites Bändchen.

Enthaltend:

die oberbayerischen Gedichte.

München.

Verlag der literarisch-artistischen Anstalt.

1843.

Seiner Hoheit

dem

Durchlauchtigsten

Herzog Maximilian

in Bayern

ehrfurchtvollst gewidmet

von

dem Verfasser.

I n h a l t.

	Seite
Oft hängt grad' in an Aug'nblick ic.	1
Der Pinzger-Jaga	5
Der bsunderni Geist	8
Der Förschter und der Jagabua	11
Der bsunderni Baam	14
's Lercherl	16
Der Traam	18
'S schlafadi Diendl	21
Liebschaftsverdruß	22
Erfahrung	24
Der Verdruß	26
'S Bitterspiel	28
A Betrachtung	29
Die drei Dufat'n	31
Die Almros'n	33
A rari Birsch	36
Der Darl und der Pudl	38

VI

	Seite
Der ersſti Zitterspieler	40
Die Zeit	42
Schnaderhüpfeln	43
Der Gebirgs-Jäger am Anſtand	44
Die oa, die i moa	47
Der Edlweißbrocker	49
Boariſch	51
Gedant'n	53
Wie's halt geht	54
Schö' floaweis	56
Von Herzog Mar	57
Die ſtoanern' Jäger	59
Die Sennnderinn	62
Die verliebt'n Buabn	64
Die Füchſ'	67
Allewei' Gott vor Augn	69
Die gſahrtinga Wünſch'	71
Mei' Himmi	75
Pekmaiers Zitherspiel	77
Der Fuchs und der Haſ'	81
Der Menſch	83
Der Thaler	84
'S Krampſfringl	87
Der Fuchs	89
Die Ordnung	91
Freyſing und Landſhut	93

	Seite
A Gschichtl	95
Der Jaga	97
Der Windwurf	100
Schuzengel	101
Guat Nacht	102
Die Hochzeit von Apling	104
Die Mühl'	106
'S Liedl	107
'S Gebet	109
Der Bua vo' Wimbach	110
'S adeligi Diendl	113
Der Baam in Paradies	114
Der Lankß (Lenz)	116
Die Farb'	117
Der rehti Mo'	119
Koa' Trost	121
Der Gambsjager	123
Die Prob'	125
'S Bild	127
Die Irrwurz	129
Die Teufsmühl am Pfundusee	131
Der guati Kerl	134
Scheibnschüznlied	136
Die guatn Ding'	138
A' Betrübnuß	140

VIII

	Seite
Der Bodtrinker	142
Der Nußhecher	144
Die Wüsch'	146
Die Schwalbn	148

**Oft hängt grad' in an Aug'nblick
An Mensch sei Schicksal und sei
Glück.**

Es war a Diendl auf der Alm'
Gar froh bei seini Rüh' und Kalbn,
Sie juchezt fruhe, sie juchezt spat,
Und gfreut hat's, wer sie g'segn hat.

A saubers Diendl, wie sie war,
Mit schöni Aug'n, schwarzi Haar
Und frisch und lusti aa' dabei,
Sie hätt' wohl gebn a rührigs Wei'.

*) Um das Lesen nicht zu sehr zu erschweren, konnte im
Texte nicht Alles so geschrieben werden, wie es gesprochen
wird. Wer den Dialekt kennt, wird die nothwendigen Cor-
rectionen leicht machen können.

Sei Schatz war aar a frische Bua,
 Der geht oft ihrer Alma zua,
 Er war a Schütz und wohl verwegn,
 Und gern bei alli Diendsln g'segn.

Und daß er war so voller Schneid,
 Dees hat die Senndriinn woltern gfreut,
 Denn der grad loami leb'n will,
 Gilt bei di Diendsln ninderscht viel.

Und wo ma aussicht von da Höh'
 Auf Schliers und abi auf'n See,
 Da habn's oft grad gscherzt und g'lacht
 Und Gsangeln auf anande g'macht.

D hätt' dees armi Diendl g'wißt,
 Was sie no All's erlebn müesht,
 Und wie's an dieweil'n femma kö',
 Sie hätt' ja nie an Zuchzer tho'.

Amal, es war a Wetanacht
 Und goßn hats und blizt und fracht,
 Da klopf's an ihra Hüttenthür,
 „Thu' auf und laß mi ein zu Dir!“

Wie froh springt sie von Kreister ro,
 Dees is ihr Bua, ja er ist do,
 „„Und bei den Beta kimmst zu mir,
 „„Grües Gott, ah dees freut mi vu Dir.““

Und lusti bläst sie 's Feuerl o,
 Er aber schaukt sie gar nit o,
 „„Was is denn, ho di nie so gsegn?““
 „Sey staad, es is a 'n Unglück gschegn.“

„„Du liebe Frau, was hast da g'sagt,
 „„Du hast ma jeh' an Schricka gmacht,““
 „Ja ja, an Unglück, hör' mi o,
 „Muas no in dera Nacht davo:

„Bin ganga auf an Zehnbirsch,
 „Es war a guati Abendbirsch,
 „Und wie i' schleich' auf d' Liecht'n für,
 „Da steht der Förschta z'nächst bei mir,

„Und fährt mi'n Stutz'n glei in Wang,
 „Natürli wart i aa nit lang,
 „Bei mir schnallt's eh', — du liebe Gott,
 „Er rührt sie nimma, er is tod!“

Da hebt da Bua d'Händ für sei Gesicht
 Und 's Diendl woas nit, wie ihm gschicht,
 D'rauf sagt er no: „Jeh' bet' für mi,
 „Zun lezt'nmal heunt sich i di.“

Und stürzt davo in Sturm und Reg'n,
 Sie hat 'n weita nie mehr gseg'n,
 Und seit der Stund, daß sie dees ghört,
 Hat sie da Kumma schier verzehrt,

Und todt is worn auf der Alm',
 Hoa Kranz ziert mehr a Ruh a Kalbn,
 Da juchezt hoa Diendl auf den Plaz
 Und macht hoa Gfängl auf sein Schaz.

Und sie, gar krank, werd nimma g'sund
 Und bet' bis an ihr lekti Stund'
 Für den, der's in derfell'n Nacht
 Hat vor'n Tod um's Leb'n bracht.

So hängt oft in an Aug'nblick
 An Mensch sei' Schicksal und sei' Glück!

Der Pinzger-Jaga.

Es hat a Jager in Pinzgerland
 A Diendl g'liebt von guat'n Stand,
 Sie hat ihm aa' wohl freundli' tho'
 Und er halt' drum bei'n Vatern o'.

Da Vater aber a harta Mo',
 Der hört 'n gwalti finster o',
 Und hebt an' stoanern Kruag in d'Höh'
 Und sagt: Gieb Acht und wohl versteh',

Bringst du mir an' Kruag, wie der von Gold,
 Mei' Diendl dei' Wei wohl werdn sollt',
 Boneh' i aber den Kruag nit ho',
 So red'n ma weita nimma davo'.

Den arma Buabn werd's warm und kalt,
 Er geht verzweifelt 'naus in Wald,
 Da steht a Kreuz alt und vermoost,
 Da kniet er nieder und bet' um Trost.

Und schaut voll Kumma himmelwärts
 Und allwei schwara werd ihm 's Herz,
 Bis spat für ihn aa' kimmt a Ruhe
 Und Schlaf schließt feini Aug'n zue.

Und in der Nacht, da traamt ihm schœ
 Er saach a schneeweiß' Gamssei steh',
 Und an van Lauf, a seltsam's Ding,
 Da glanzet und blinkt a goldner Ring.

Er schießt und wie er's troffa hat,
 Da war ihm leicht und war ihm grab,
 Als waarn Hochzetleut' beisamm'
 Und er sein Schatz sei Bräutigam.

Und eh' no geht die Sunna auf,
 Da is da Jager a schon auf,
 Und denkt, was wohl der Traam bedeut'
 Und birscht an Berg 'nauf gegen d' Schneid'.

Und drob'n auf der höchst'n Höh'
 Sicht er a Gamssei, weiß wie Schnee,
 Und an van Lauf, a seltsam's Ding,
 Da hat's den traamt'n goldern Ring.

Da birscht er si' wohl fleißi o',
 's Gams aba zieht gar g'schwind davo',
 Und führt 'n allweil tiefer 'nei'
 In d' Berg bis z'nächst hin nach Gastein.

So birscht er wohl zwoa ganzi Tag,
 Roa Steig'n acht' er und toa Plag,
 Am dritt'n endli in da Fruh
 Nimmt er auf hundert Schritt' dazu.

Und schießt, daß 's weit in Berg'u haßt
 Und 's Gambsei stürzt und abi fällt,
 Und mit oan Lauf nett hat's es g'fangt,
 Sunst hätt's es g'worfa üb'r a Wand.

Und in an enga Fels'nsfalt,
 Da steckt der Lauf, der 's Gambsei halt',
 Und schau, rundum glantz überall
 Der Fels von lautern Goldmetall.

Des war der traamte goldne Ring
 Und hat den Buabn wohl g'freut des Ding,
 Er dankt sein Gott für so a Glück
 Und für sei' wunderbarlis G'schick.

Jez hat er bald wohl mehr als gnuag,
 Da leidt's ihm aa den goldern Kruag,
 Den bringt er hi' den hart'n Mo'
 Und führt sein Schatz als Brant davo'. —

In Rathhausberg bis auf die Stund'
 Baut ma dees Gold von selln Fund,
 Drum denk' a jeder Zaga dro',
 Daß mar a was dabet'n so.

Der bsunderni Geist.

Es warn' auf da Spizing*) drei Diendl'n beinand,
 Die hab'n oft ghoangascht und plauscht mitanand,
 Und amal hat die ea von an Geist verzählt,
 Der no sollt wandeln auf dera Welt
 Und der d'Leut öfter vermögli g'macht
 Und hat ihna prächtigi Sachen bracht.
 Aber oans, sagt's, dees is bsunders dabei,
 Es soll'n gr'ad die von ihm was g'winna,
 Die, wie er will, mit ihm red'n finna.
 A Narr, sagt die Jüngst', dees waar jess a Kunst,
 Da redet i do nit leicht umasunst,
 Denn red'n moant's, grad wie oana will,
 Wann's deutsch waar, dees bedeutet nit viel,
 Und denkt ihm, wie s' 'n wollt ebba fanga
 Und was er wohl red'n thaat und verlanga.
 Steht nit lang o, kimmt a Jager zu ihr,
 A fremder war's, nit aus der Revier,
 Der hat an der Seit'n a Pulverhorn trag'n,
 Dees war so prähti, ma ko's nit sag'n,
 War schwaar von Gold und b'setzt mit Stoa
 Und g'schaugt hat 's Diendl grad groß und floa.
 Da Jager der kennt ihm a Pfeiferl o
 Und hat weita ganz vertrauli tho;

*) Alm bei Schliersee.

Und wie s' so a weil mitannander red'n,
 So sagt er: Dees Horn, gelt, dees thatst mögn?
 Sagt 's Diendl: Wahrhafti, da waar i wohl reich
 Und waar mir in Dorf koan'oanzigi gleich.
 Woast was, sagt der Jager, mir macha a Gschpiel,
 Verliern' konnst nix, aba gwinna gar viel,
 Mir red'n mitanand' und i wer bi viel frag'n
 Und du derfst nit Ja und nit Na dabei sag'n,
 Und sagst du nit Na und sagst aa nit Ja,
 So g'hört dir dees güldene Hörnl da.
 Es gilt, sagt 's Diendl und lacht dazua
 Und denkt ihm, dees is a lustiger Bua.
 D'rauf er: „Hast nie no an Bär'n gsegn?“
 „„Mei Lebta nit, is mar aa nix d'ran glegn.““
 „Es is oana da, hon d'Fihrt heunt g'fund'n.“
 „„So so, habn's dir ebber oan aufi bund'n.““
 Da lacht er und sagt: „Ja bild'st da du ein,
 „Ha Narret, dees güldene Horn g'höret me i?“
 „„Was denn, sagt 's Diendl, des kunnt wohl seyn.““
 „Ja sicht denn a Jager an Fürst'n gleich?“
 „„Ees sey d's koa Jager, Ees sey d's wohl reich.““
 „Na Diendl, dees Horn dees gehört mein Herrn,
 „Daf i 's heunt trag', is a b'sunderner Stern,
 „Weil aber mei Herr so gar viel frumm,
 „So wett' i, er gebet dir's willi d'rum,
 „Thaast ihm grad a Kloanigkeit versprecha,
 „Natürli durfst dei Wort nit brecha,

„I moan, wurst no grad a Klosterfrau —“
 „„Na na, sagt 's Diendl, dees waar ma z'schlan.““
 Da hat's bei dem Na an Pumpyser tho
 Und furt mit sein Horn war der Jageremo.

Jetz hat's dees Diendl wohl sakrisch gschmerzt,
 Daß's hat so dalket sei Glück verscherzt, —
 Sie moant, an andersmal waar s' wohl g'scheit
 Und wur' selli Sachen so leicht nit nemma, —
 Der Jageremo aber is nimmer femma.

Der Förschter und der Jagabua.

Was soll i thoa, hat g'sagt der Bua
 Zun Förschter zu sein Herrn, —
 Dees war a graamli alter Mo,
 Brummt: Werscht es inna wer'n;
 Jeg gehst amal auf's Mösl 'naus,
 Da hat's a scheeni Lad',
 Es stenga dir viel Ant'n auf,
 Du feihst den ganz'n Pack,
 Denn i mag sag'n, was i will,
 Du laßt da do nit Zeit,
 D'rum blenk'lst aa in Nebi 'rum,
 So geht's di junga Leut.
 D'rauf lad'st und geh'st an Hölzl zua,
 Da liegt a junger Has,
 Rett auf'n Spiz, hart an da Gruab,
 Da duckt er si in's Gras,
 Auf sieben Schritt, da steht er auf,
 I woas scho, was 's bedeut',
 Du schiesst a Loch in Bod'n 'nei',
 So geht's di junga Leut.
 Jeg' draabst bei Stug'nläufi auf
 Und gehst in groß'n Schlag,
 Da thuat si gern a Nechbock um,
 Nimmt no bei'n hell'n Tag,

Du seßst di' hin zu'n Felberbaam,
 Er kimmt da gar nit weit,
 Wanns g'schnellt hat, hast 'n wieder gfeiht,
 So geht's die junga Leut.
 Ade, um neuni bist dahoam. —
 Da geht da Bua davo,
 Ganz fuchti über selles G'red
 Und über den alt'n Mo'.
 Und wie er so verdrießli geht,
 Da steht am Weg a Haus,
 Da schaut a Diendl jung und frisch
 Am Thor bei'n Tenna 'raus,
 Die ruest ihm zu: „woaus so g'schwind,
 Wie? kehr' a bis'l ei',"
 Der Bua laßt's ihm nit zwoamal sag'n
 Und geht in d'Tenna 'nei'.
 „Wie?“ sagt's, „geh', hilf ma mit mein Flachs
 Und brich a bis'l mit.“
 „Ja wannst mar a Paar Buße'n geist,""
 Und sie verredt ihm's nit.
 Da bricht er Flachs und scherzt mit ihr,
 So is a junger Bua,
 Und wie er von sein Herrn verzählt,
 So lach'ns ihna gnua.
 Und über selles Zeug und G'schpiel,
 Da geht die Zeit g'schwind um
 Und wie's um's Dunkelwerd'n war,

So kehrt er wieder um.
 Und thuat ganz ärgerli dahoam
 „Was is jesh, gront der oa,
 Wo is dei Ant' und Has' und Bock,
 Rimmst ebba gar alloa?“
 „„Meinoab, Ges müßt's, hat g'sagt da Bua,
 A Hernmoaster sey,
 Däß's All's a so derratzen kinnt's
 Und nett trifft's allzeit ei.““ —
 Da lacht' der Alt', was seltsam war,
 Dees aber hat'n g'freut, —
 An Buebn aa scho, schau so geht's
 An diem die alt'n Leut'!

Der bsunderni Baam.

Bei'n Förschter, bei an fluag'n Mo
 Halt' oana um sei' Tochter o,
 Der Förschter sagt, es kunnt wohl sey,
 Daß i mein Will'n gebet drei,
 Wann du an Baam mir nenna konnst,
 Den i no nit verzoach'n't ho
 Und den ma hierrum segn ko,
 Verstanden? — Au weh, denkt der Bua,
 Der Baam macht d'Heurath schwaar,
 Er schreibt a jedi Staudn auf,
 Wo der no z'find'n waar;
 Ganz trauri geht er um und um
 Und schaut und denkt si' halbet dumm,
 Es war, als sollt's halt gar nit sey,
 Und ihm fällt halt der Baam nit ei'.
 A Freund, der sicht sei' Traurigkeit
 Und fragt 'n drum, was ihm denn feiht,
 Dem hat er halt sei' Kreuz verzählt,
 Was für a Frag' der Förschter g'stellt.
 Ha, sagt der oa, mir fällt was ei',
 Vielleicht kunnt's dengerscht taugsam sey,
 Schau, wann er's just nit übi naahm
 Und nennet'st ihm — an Burzibaam!,
 Den konst ihm zoagn alli Tag

Und wo er 'n no grad segn mag
 Und daß er den verzoght hat,
 Dees glaab i nit, so waar mein Rath. —
 Jezz kimmt's den Buabn, wie a Schei~
 Auf oamal in sei~ Denka 'nei~,
 Er tanzt und springt und juchezt nett,
 Als wann er an Punkt'n troffa hätt
 Und laaft, was er no laafa so~
 Und meldt si~ da bei'n Förschter o~.
 Und wie er jezz so vor ihm steht,
 Hält er a langi feini Red'
 Und sagt, von wegn denselln Baam,
 Es war ihm kemma wie a Traam,
 Daß oaner nit in Büchl staand,
 Und den ma dengerscht überalln faand,
 Den er ihm zoaget alli Tag .
 Und wo er'n no grad segn mag,
 Und wann er's halt nicht üb'l naahm,
 So nennet er an Burzlbaam. —
 Da hat der Förschter freili g'schaugt. —

's Lercherl.

Es singt a~ Lercherl in der Luft,
Singt hoch und frei, wie's mag,
Und singt gar sorglos und gar froh,
Heunt werd a schöner Tag,
A schöner Tag!

Es sigt a~ Mauser auf an~ Baam,
Der bild't si~ wohl 'was ei~,
Er steckt si~ in sein~ Federbalg,
Wie in a~ Wildschur 'nei~,
Schaugt fürnehm drei~.

Jez' draacht er seini Augn auf,
Hat 's Lercherl gschwind d'ersegn,
Und daß's so lusti~ singt und thuat,
Dees war ihm gar nit g'legn,
Vo~ Bosheit wegn.

Ja Lercherl, 's werd a~ schöner Tag,
Wem aber werd er's wohl?
Werd's nit für di~ du armer Narr,
Der 's andri singa soll
So hoffnungsvoll.

Der Mauser schwingt si' höher 'nauf
 Als du, so is der Gang,
 Und macht an' Fahrer wie a' Pfeil
 Und hat di' scho' in Fang,
 Aus is der Gsang. —

Und so viel' Lercherln geht's a so! —
 Mei' Flintn gebt's ma' her!
 Der Teufel soll die Mauser holn,
 I' leid' meinoad kwan' mehr,
 Mei' Flint'n her!

Der Traam.

Es hat amal an Diendl traamt,
 Sie hätt' si in an Wald verganga,
 Und is ihr da, hat nie g'wißt wie,
 A Graus'n femma und a Banga;
 Und wie se si so g'forcht'n hat,
 Da hört s' in Laabern 'was rebell'n,
 Und kimmt a Wolf nett auf sie her,
 Als wollt er ihr an Weg verstell'n.
 Und in der Angst da hat sie g'lobt,
 Zu'n Birkastoa a Wallfahrt z'macha,
 Da is der Wolf gar g'schwind davo
 Und frisch und g'sund thuat sie erwacha. —
 Da hat s' wohl g'schnauft und war so froh
 Und hat lang denkt an ihra Traama
 Und an den Wolf, und wie's wohl waar,
 Wann s' ebber amal so 'zammakaama.
 Und ob s' die Wallfahrt macha sollt',
 Hätt s' freili grad in Traam versprocha,
 In selli Sach'n aber moant s',
 Da waar halt leichtli 'was verbocha.
 Sie fragt an Holzknecht, der hat oft
 Sein Retsl 'locht in ihra Hütt'n,
 Der aber war a Teufelstrick,
 Roa Freund von Bett'n und von Bitt'n.

„Jez roaf mit deiner Wallfahrt da,
 So sagt er, is da ja nix g'seggn,
 Was werst denn bett'n weg'n an Wolf,
 Hast deiner Lebta no kran g'segn.“ —
 Dees Dienbl aber war gar frumm
 Und denkt ihm, kunnt' ja nie nix schad'n,
 Wann s' ebber gaang, sie kaam so mehr
 Bei unsrer lieb'n Frau in Gnab'n.
 So geht s' halt hin gon Birkastoa
 Und thuat ihr' Andacht wohl verricht'n,
 Und fröhli lehr sie nacher hoam,
 Hat' denkt an manchi Wunderg'schicht'n.
 Und wie s' am Ruhzack*) aufi kimmt,
 Da thuat der Holzknecht Baam ausstodda,
 Der lacht s' wohl aus und sagt dazua:
 „Host oan dawischt an Wunderbrocka?“ —
 Kaam aber war dees Wort heraus,
 So rühr'n si die nachst'n Bosh'n,
 Und wüethi rumpit 'raus a Wolf,
 Da is den oan der Muath verlosch'n,
 Da san s' wohl g'lossa alli zwee,
 A Wolf kann aber besser laafa,
 Den kimmt nit aus, wann er grad mag,
 Hilft a koo Wihr'n und koo Raafa.

*) Berg zwischen Tegernsee (Egern) und Schliersee. Der
 Birkenstein ist eine Wallfahrt bei Fischbachau.

Und schau den Diendl thuat er nix,
 Dees so viel frumm war in sein' G'wiss'n
 Den Holzknecht aber hat er packt
 Und hat 'n grausamli~ zerriss'n.

No~ heuntig's Tage, wie Alles g'scheg'n,
 Konnst auf an g'malt'n Taserl seg'n,
 Dees hängt dort in den heiling' Haus
 Am Birkastoa~ in Gang heraus.

'S schlafadi Diendl.

Es schläft a Diendl untern Baam
 Daneb'n liegt ihr Huat,
 Der Tag is warm, bei'm Baam is's kühl,
 Sie schläft so süß, so guat. —

Da kimmt a Jager aus'n Wald,
 An alter finst'rer Mo',
 Der schaukt dees Diendl in sein Schlaf
 Grad in Vorbeigeh'n o'.

Auf oamal aber kehrt er um,
 Jez steht er lang vor ihr,
 Auf's Nieder schaukt er, g'fällt ihm g'wis
 Da dra dees reich'i Gschnür.

Er werd' ja do' koa Räuber sey
 Und werd' ihr ja nix thoa,
 Is ja a bluatjungs Diendl no',
 Und grau is scho' der oa,

Na schau, er geht und thuat ihr nix
 Und do hat 'n was druckt,
 Er hat si' hinter'n Ohrna kratzt
 Und 's Hüetl hat er g'ruckt. —

Liebschaftsverdruss.

Gel fuchti, sagst, is er mei' Bua
 Und thuet's vorübi nehma,
 Daß i' gar nie alloant bin,
 So oft er a mag kemma,
 Er moant, i trauet ihm nit recht,
 Thaat's selber a so mög'n,
 Und waar mir weiter nit gar viel
 An seiner G'sellschaft g'leg'n;
 Wahrhafti, i kann nix dafür,
 I wollt's ihm scho' verzähl'n,
 Es paßt ja Alles auf mi auf,
 Als wur' er mi glei stehl'n. —
 Mei' Vater schlaft des ganzi Jahr,
 Kann aber niema'n schlafa,
 Wann er an Buabn bei mir mirkt,
 Da hat er glei was z'schaffa, —
 Mei' Muatter is als wie a Pafsch,
 Is überall voll Aug'n,
 Und thaat a Bußei auf drei Stund'
 In Rebi no daschaugn;
 Mei' Bruader is als wie a Fuchs,
 A Moaster in Berwind'n,
 Ja wenn da Bua vergrab'n waar,
 I glaab er thaat 'n find'n,

Und san die andern alli furt,
Is dani nit zu'n zwinga
Mei Schwester, die is wie a Zed,
Gar nit zu'n weitabringa, —
Geh', sag's ihm halt, es soll 'n do
Nit gar a so verdrieß'n,
Ja sey so guat und sag' ihm a,
I laß'n recht schön griess'n.

Erfahrung.

I hon a amal an Krebsn g'fangt,
 Der Krebs der hat mi~ biß'n,
 I hon ma denkt, dees g'schicht da recht,
 Was muaßt aa Alles wiß'n,
 Was geht denn di~ dees Krebs'n o~
 Und hon's mei~ Lebta nimmer 'tho~.

I hon amal a Rößl 'kaaft,
 Dees Rößl wollt' i reit'n,
 Weil aber i foa Reiter bin,
 So schnellt 's mi 'ro bei Zeit'n,
 I denk' ma, reit' wer reit'n fo~,
 Und hon's mei~ Lebta nimmer 'tho~.

I hon amal a G'spielei g'macht,
 Ho~ woltern viel verlör'n,
 Die Andern hab'n d'rüber g'lacht,
 Da hon i 's glei~ verschwor'n,
 Und als a flueger g'scheuter Mo~
 Hon i 's mei~ Lebta nimmer 'tho~.

I hon amal a Diendl g'liebt,
 War freili schœ zu'n Freß'n,
 Die hat mi' für'n Narr'n g'habt,
 I denk' ma, muaßt's vergeß'n,
 Und schau', i, der schier Alles kö,
 Dees kon i nit, denk' allwei d'ro.

D'rum mit an Krebs'n, mit an Roß
 Konst freili was probir'n,
 A Gschpielei schad't dar a no' nix,
 Werst nit an Kopf verlier'n,
 No dees! fang' mit koan Diendl o',
 Da Freundelein kimmst nit davo!

Der Verdruß.

Was gront denn heunt der Vater,
 Grad brumma konst 'n hörn,
 Just hat er g'haut sein' Darl,
 Den hat er sunst so gern,
 Nix taugt ihm hint' und vorn,
 Gar nix in ganzn Haus, --
 Daß 's Raappi wieder krumm geht,
 Dees macht ihm do' nix aus,
 Jeg' hat er 'n ja nit nöthi',
 Denn 's Groamet is herinn,
 Ra' wußt' i' nit, was fehlet,
 Was hat er geh' in Sinn?,
 Er kimmt! sey d's staad Ees Rinda! —
 Da rucka d' Rinda 'zamm,
 San mäußstaad und gassa,
 Was werd er ebba habn? —
 Der Alti pugt sein' Stuzn
 Und stößt 'n in an' Eck,
 Und bockt si' hinter 'n Dsa
 Und jagt 'n Darl weg.
 Es war scho' spat am Abend
 Und endli' schlaft er ei',
 Da schleicht des kleansti Bübi
 Staad auf die Zehen 'rei',

Und bischpert zu die andern,
„I woaf scho, was's bideut't,
Es is nit wegn 'n Raappi,
— An Gampsbock hat er g'feit!“ —
„Ja jek!!“

'S Bitterspiel.

Meinoad es is a gschpassig's Ding
 Da um dees Zittergschpiel,
 Werb' oaner oft so woach dabei,
 Dees sag'n da gar viel,
 Und do' so schön und lusti is's,
 Du moanst es kunnt nit sey,
 Is grad, als lachet oaner brav
 Und woanet dengerscht d'rein, —
 I hon amal beschweg'n g'fragt
 An g'schickt'n Musikant,
 Der sagt, die Zitter macht verliebt,
 Drum reißt's ent an Verstand,
 Da kimmt's die Junga trauri für,
 Die no' nit All's derroacht,
 Vor lauter Lieb' und Narretei
 Werb' ihna 's Herz dawoacht,
 Und bei an Alt'n is a so,
 Rimmt der amal in Schwung,
 So moant er, waar's no nit vorbei
 Und waar er wieder jung!

II Betrachtung.

Es sigt a Diendl vor sein Haus,
 Sie schaukt so trauri in d'Weit'n 'naus,
 Mit nassi Aug'n schaukt's a so dreĩ,
 Was mueß denn den trauringa Diendl sey?

Sie hat a Briefei in der Hand,
 Dees kimmt leicht gar aus Griechaland,
 Weil's all'n derstocha, was steht wohl d'rinn,
 Macht dees an Diendl den trauringa Sinn?

Sie hat an Finger a glanzeds Ding,
 Es is a Ring, a gold'ner Ring,
 Den schaukt s' wohl a mit Schmerz'n o',
 Hat ebbe der Ring den Diendl was tho'?

Sie zieht von Hals a Tüechei fein,
 Soll denn da d'ra was b'sunders sey,
 Is schwarz und a roth's Stroasfei d'ro',
 Sunst sichst ihm weiter gar nix o'.

Und wie's dees Tüechei so betracht',
 So hat's es gar zu'n Woana bracht,
 „Ja schwarz, hat's g'sagt, und bluetiroth,
 „Es hat bident' sei Grab und Tod.“ —

Roa Freund fon dees und roa Brueber nit sey,
 Um den schaukt so sehnli roa Diendl d'rei,
 So hat halt wieder amal die Lieb'
 A Leb'n g'macht so trauri und trüeb.

Seit i dees armi Diendl g'seg'n
 Und wie ihm so viel hart is g'scheg'n,
 Seitdem fon i's halt nit versteh',
 Daß über d'Lieb' sollt' gar nix geh'.

Da sag'n s' glei gar, daß Alles laar
 An Glück auf der Welt, wann d'Lieb' nit waar,
 Sagt's, was enk freut und i glaab All's,
 Aber bleibt's ma mit enterer Lieb' von Hals!

Die drei Dukat'n.

An arma Bua hat Schwammerln brocht,
 Hat lusti dabei g'sunga,
 Sei~ Jobler hat in still'n Wald
 Gar weit und fröhli klunga.

Auf oamal aber war er staad,
 Warum? was is denn g'scheg'n?
 A glanzed's Beuterl an an Baam,
 Dees hat er lieg'n seg'n.

Da war'n drei Dukat'n d'rinn,
 Da macht der Bua wohl Aug'n
 Und schaukt und draht s' und zählt s' gar oft,
 Dees Beutei thaat ihm tang'n.

G'schwind laßt er d'Schwammerln Schwammerln sey~,
 Und geht in oan Studir'n,
 „Was fangst mit die Dukat'n o~,
 Jeg willst a Leb'n führ'n.“

Und was's um an Dukat'n is,
 Dees hat er bald d'ersfahr'n,
 Es hat den oanzing Hack'n g'habt,
 Daz 's halt so weni war'n.

Gar schleuni war dees Geld vertho,
 Hat si gar bald verlör'n
 Und arm, ja ärmer als voneh',
 Is's Buebei wieder wor'n.

Da hat er halt wieder Schammerln brocht,
 Hat aber koo Jobler klunga,
 Sunst war er nit so mäuf'lstaad,
 Warum hat er denn nimmer g'funga? —

Die Almros'n.

„Willst du mei' Hand, mueßt a was wag'n,
 Nix werth waar s, sollt'st di d'rum nit plag'n,
 So steig' ma 'nauf auf selli Wand,
 Die schirfest weit in ganz'n Land,
 Und suech ma dort an Hochzetstrauß
 Von frisch'i Almros'n 'raus,
 Und setz' a Kreuz als Joacha hi',
 Daß i fein nit betrog'n bi'."
 So sagt a Diendl stolz und schee
 Und hoast an Buebn schneidi geh'n.
 Der Bua, verliebt, waar ganga nett
 Durch's Feuer, wann's 'n's g'hoast'n hätt',
 Er bind't ihm g'schwindt a Kreuz'l fei',
 Nimmt d'Eisen in sein Rucksack 'nei',
 Und geht dahin in lustig'n Sang,
 Wer woast, vielleicht den legt'n Gang. —
 Bald steigt er durch a wildi Klamm
 Auf selli Wand in Gottes Nam'. —
 Jez halt' er, schau' just mitt'n d'rinn,
 Da waar'n Ros'n nach sein Sinn,
 Waar ar a Plaz, da saach ma schee
 Dees Kreuzl scho von weit'n steh'.
 Wie aber kimmst jez geh' da 'nei',
 Wag's nit, es kunnt dei' Unglück sey'! —
 „Und waar's mei' End', no frisch voro',

Kobell's, Oberbayer. Gedichte.

Was oaner will, aa oaner ko'!
 Und allweil schiecher werd die Wand,
 Koa Latsch'n find't da mehr sei' Hand,
 Die kalt'n Stoa~, die packt er o',
 Und allweil höher hängt er d'ro;
 Auf oamal is koa Halt'n mehr,
 A glatti Platt'n die geht her,
 Und schaukt er abi, kimmt's ihm für,
 Als waar er scho' verloren schier.
 Von 'Muntersteig'n is koa Red',
 'Naus mueß er, wo er amal steht.
 Da kimmt ihm, schau er woasß nit wie
 An Angst und 's Zittern in die Knie,
 Jez' g'schwind! dees Zoacha dees is böß',
 No frisch an Sprung, no lüfti fed
 Da 'nüber auf dees Fels'neck
 Und pack' den Ros'nbüschl fest,
 Da halt di fein, daß 's di nit preßt
 Und di der Sprung nit abi schnellst!
 Da springt er, Gott in Himmi, horch!
 Die größt'n Stoana gengen o,
 Des ganze Felsed' raffelt ro,
 Und mit die Ros'n in da Hand
 Stürzt er in Grab'n von da Wand. —
 Am Achensee herunt' in Thal,
 Da is a Grab, du kennst es bald,
 Es wachsn Almros'n d'rauf,

Und d'rüba schaugt a Wand hoch auf,
Dort liegt der armi gueti Bua,
Dort liegt er in der ewig'n Rua,
Und steht des Kreuz no heunt dabei,
Dees er als Joache~ seiner Treu
Für's Diendl trag'n auf die Wand,
Die schirfest weit in ganz'n Land.

U rari Birsch.

A Bettlerin, ganz verlumpt und alt,
 Is an Jager begegnet in an groß'n Wald
 Und hat 'n schö grüest und bettlt dabei;
 Er aber hat gsagt: Du Hex' von an Wei~,
 Woast nit, wann oaner zum Jag'n geht
 Und ihm auf 'n Weg so a Schachtel stehet,
 Daz dees an Jager an Unglück bedeut'?! —
 „„Geh weite~, sagt 's Wei, Ees seyds nit gscheut,
 I hon a franki Tochter dahoam
 Und geh' bald selber schö aus 'n Loam,
 Geh, schenkt's mer an Pfening, i bitt' Ent schö,
 Sollst do nit umsonst zum Jag'n geh'." —
 „Geh da hast an Kreuzer, jeh' gehst aber glei“,
 Hat der Jager drauf g'sagt zu den Lumpetn Wei~,
 Und wie sie ihm dankt, so sagt s' ihm aa' nō,
 „„Gebts Acht, Ees sollts was hab'n davo~:
 Es stenge in Wald wildi Birnbaam,
 Da woast i was Bsunders, Ees glaabts es kaam,
 Gehts nit auf an Rechbock und nit auf an Birsch,
 Nachts heunt auf die Birnbaam grad a Birsch,
 Und wo sie davun oaner rühr'n thuet,
 Da birtscht's Ent an, die Birsch is guet,
 Und bin i wahrhafti koo ehrli's Wei~,
 Habts nit a grossi Gaudi dabei." —
 Da geht sie dahin. Der Jager ihm denkt,

Die hat dir amal a Vertraua g'schenkt,
 Sie moant, bist a Narr und wandlst in Traam,
 Was waar denn a Birsch'n auf d'Birnbaam! —
 Und wie er so weiter in Wald 'nei~ geht,
 So kimmt er hin, wo a Birnbaam steht,
 Da fallts ihm wohl ein und schaugt 'n lang o,
 Es hänga halt lausige Birnln d'ro,
 Sunst nix, aber schau! nit weit davo,
 Da rührt si~ an anderer, wer hat dees tho?
 Nimmt niemand daher und geht soa Wind,
 Da birscht er si~ an, gar staad und g'schwind.
 Und wie hat er g'schaugt! da steht dir a Bär,
 Der beutlt dees Baamei gar g'walti her
 Und schüttlt si~ Birn, — da meßt wohl der va,
 Als sollt' er um's Erschti an Ritterschuß thoa,
 Und wie's ihm hat taugnt und wie's hat 'fracht,
 Hat richti~ der Braun 's Testamentl g'macht.
 Und wer was versteht von der Jagdbarkeit,
 Der kann ihm denka dem Jager sei~ Freud. —

Die G'schicht' is g'shegn, wie i s da verzähl'
 Vor etlich'i Jahr in der boarisch'n Zell.

Der Darl und der Pudl.

Es hat ã Darl gar nix g'lernt,
 Als Bellen grad und Fressn,
 Hat nix von andri Künsten gwißt,
 War aã nit d'rauf versessn,
 Der Darl hat ã Lebn g'führt
 Ja raar und ohni Rumma,
 In Winter hinter 'n Ofa g'schnarcht
 Und Muckn g'fangt in Summa;
 Er is gar fleißi gfütert worn,
 Was sollt' er Hunger leid'n,
 „Gel' Darl, magst halt aã dei' Sach',
 Hast aã so deini Freudn.“ —
 — Es hat a Pudl zeiti schõ
 Gar viel Verstand verrath'n,
 Hat um ã jeds Apportl thõ,
 Als waar's der besti Bratn,
 Dem Pudl hat mã wohl 'was zoagt,
 Und hat er's nit begriffa,
 So is ihm Peitsch'n oder Stoc
 Gschwind über 'n Buckl 'pfiffa;
 Mã hat ihm wenĩ z'fressn gebn,
 „Der Schlangl braucht nix z'fress'n,
 Denn wur' er wampet, thaat er ja
 Sei' Wissenschaft vergeßn!“ —

Mir fällt gar oft der Daxl ei~,
 Der Pudl aa danebn,
 Betracht' i~, wie so nach Verdienst
 An diem die Menschn lebn;
 Den oan~, der nix is, thuat mer All's,
 Den andern nit a~ bisl,
 Dem oan~ bleibt 's Braatl allzeit
 Und dem — a laari Schüßl.

Der erschi Bitterspieler.

Es war amal a Schniglmo,
Der hat sei Arbet fleißi tho,
Und hat studirt ja Tag und Nacht,
Da hat er die erschi Zitter g'macht.

Und von denselln Holz a Kei
Der taugt ihm zu was andern glei,
Er schniglt fein und sauber d'raus
An Hansl und a Gretl aus.

Und no a Trumm, dees hat danebn
An großmächtign Bär'n 'gebn,
Die san lang g'standn all' beinand'
Gar schö in Kasten an der Wand.

Da kimmt amal a fremda Mo,
Der schaukt ihm da die Zitter o,
Und hat s' probirt und gspielt so fein,
Daß d' gmoant hättst, 's kunnt nit mögli seyn.

Boast, Tanzln grad zun wiinni wer'n,
So kon mer s' vielleicht nimmer hör'n
Und Landler ja so nett, so mild,
Zu'n Redn troffa hat er s' gschpielt.

Und wie er recht in Spiel'n war
 So tanzn s' in den Kast'n gar,
 Der Hans und d' Gretl frisch voro~,
 Der Bär hats a bal' nachi tho~.

Da schaugt der Schniglmon wohl d'rei~,
 Denn dees fällt oan in Traam nit ei~,
 Der Bär springt gar, wie narret dumm
 Und arbet' in der Stub'n rum.

Auf oamal aber schau o weh,
 Da springt er bis an d' Deck in d' Höh
 Und schlägt in Fall'n die Zitter ein,
 Jegg' war's mitn Tanz, wie auf Rathrei~.

Der Mo~ hat no~ viel Zittern g'macht
 Und manch'n Hans zun Tanzn' bracht,
 Und oft a Bär hat a scho~ g'schanzt,
 Aber die von Holz hab'n nimmer 'tanzt.

Und weil derselli Spieler g'wiß
 Roa Mensch, wie an andra gwesen is,
 So haapt ma~, wer dees Gschpiel recht ko~,
 Auf d' Stund' an Hexnmoaster no~.

Die Zeit.

Der oa.

Frag' i an Herrn Pfarrer, woher 's denn kimmt,
 Daß Alles an' End' so g'schwindi nimmt,
 So sagt der Herr Pfarrer: „Schau, sey no g'scheut,
 Das thuet halt amal so der Zahn der Zeit.“

Da hon i Respekt vor an' sellan Gebiß,
 Macht glei in a Mauer die größt'n Riß'
 Und kaut dir an Klasterberbaum zamma so g'schwind,
 Als waar er grad wie a Bratl so lind. —

Wie's nacher wohl waar um die ganze Natur,
 Wann ebber die Zeit amal zählucktet wur'
 Und kunnt nimmer beiß'n? da gaang ja nix z'Grund
 Und mir waar'n alleweil fröhli und g'sund!

Der ander.

Na Bruder, do schneid'st di, denn waar dees der Fall,
 So schlucket s' halt nacher glei gar auf amal,
 Was s' justement möcht', jeg' stell' dir no für,
 Dees waar ja wahrhafti zu'n Umbringa schier;

Du hätt'st heunt a Hans, schön sauber und neu,
 Waar a weg'nmeiner a Gart'n dabei
 Und morg'n waar furt bei Gart'n und Haus
 Und du vielleicht aa, was schauget da 'raus!

Schnaderhüpfeln.

Diendl wie freust mi du,
 Nimmt ma grad für,
 Als wie wann i koan Himml bräucht,
 Bist du bei mir.

Wahr is's, schöni Sternei'n
 Geit's dort ohne End,
 Aber du bist ma lieber,
 Als 's ganz' Firmament,

Ja bist ma viel lieber,
 Als d' Eng'ln allsamm'
 Und i mag erscht in Himmi,
 Wanns' di drob'n hamm. (hab'n.)

Der Gebirgs-Jäger am Anstand.

„Der Grab'n der is wunderscho,
 „Da setz' i mi geh her,
 „Da sich i aus auf alli Steig',
 „Es geit koan schönern mehr.
 „Da drob'n in den Ratschkopf,
 „Da mueß a Gamsbock sey
 „Und will er in an Laane zieg'n,
 „Mueß er in Grab'n rei.
 „Und unterhal da spürt si frisch
 „A Hirsch als wie a Kuh,
 „Der thuet si a schon amal um
 „Und Borth'l hon i gnua.“
 So setzt si halt der Jager o
 Und sitzt gar manchi Stund
 Und denkt, was an den schön'n Platz
 Ihm alles kemma kunnt.
 Wann ebber 's Glück a bißl wollt'
 Und kaam ihm gar a Luchs,
 „De Hannes hat oan so de wischt,
 „Hot gmoant, es kimmt a Fuchs;
 „A Luchs, ja der will g'schoßn sey,

„Denn 's Treffe is gar kloa“, —
 Da schaukt er ihm sei' Bichsn 'zamm,
 Er moant, 's kunnt's dengerscht thoā. —
 „Bei'n Dickl war's a seller Ort,
 „Wo kemme is der Bär,
 „Der wann jeh kaam und trabet geh
 „Am obern Steig daher;
 „Den schlüegs wohl abi über d'Wand, —
 „Was thaat der Förschter sagn
 „Und alli Leut', dees waar a G'reb,
 „A Schaug'n und a Fragn.
 „Da waar wohl 's Diendl stolz auf mi',
 „Verzählet's weit und breit, —
 „Und traget fünfasiebez'g Guln,
 „A Narr dees waar a Freud;
 „Thaats aa der Kini inne wer'n,
 „Kaam ja in d' Zeitung 'nei',
 „Der waar in Stand und saget glei:
 „Der Schütz soll Förschter sey. —
 „Und kaam a Wolf, waar a scho' recht,
 „Ja d' Wölf, die genge' weit,
 „Und selli Plaz, die suche's auf,
 „Wo's 'was zu'n Jag'n geit.
 „Da müest ma wohl a Stugn her,
 „So scho' mar 'n denke' fo'
 „Und aufi gschnigt der Wolf am Schaft
 „Und Silberplattln dro';

„Und friegn s' auf die Schießeter,
 „G'hört der oan vu' der Stadt,
 „So hoasets, naa, der g'hört denselln,
 „Der 'n Wolf de'schoß'n hat.“ —

So hat der Jager furt studirt
 Mit seiner g'spannt'n Bichs,
 Bis 's woltern dunkei wor'n is, —
 Aber kemme' is ihm nix.

Die oa~, die i moa~.

Is am Himmi koa~ Stern,
 Daß i 'n schauget so gern,
 Als a Diendl am Land,
 Als die oa~, die i moa~.

Wohl weiß auf der Höh
 Is der frischg'fall'ne Schnee,
 Und is do nit so weiß,
 Wie die oa~, die i moa~.

Wohl schö is der Tag,
 Wann's a schöner sey~ mag
 Und is do nit so schö~,
 Wie die oa~, die i moa~.

Was frischer's sichst nie
 Was a Pferfibaambblüh',
 Und is do nit so frisch,
 Wie die oa~, die i moa~.

So lieb und so fein
 Moanst, waar nix wie da Wein
 Und is do~ nit so fein,
 Wie die oa~, die i moa~.

Und weil ſ' halt ſo fein,
Daß ſ' nit feiner kunnt ſeyn,
Drum ſo ſich i ſ' ſo gern,
Woßt, die oa~, die i moa~.

Der Edelweißbrocker.

Der Hirscht, dees is mei' schönst' Zeit
 Da brock' i' 's Edelweiß,
 In Wazmann über 'n Laabl drobn
 Und über 'n hoche Eis.
 In Vertlsgadn habn s ja
 Die Bliemin gar so gern
 Und kimm' i' mit mein' Edelweiß
 Zu manchen groñn Herrn,
 Und bring's die Damen drunt' in' G'schloß,
 Die stecka 's auf 'n Huat,
 Die Damen san gar schö' und fei'
 Und 's Edelweiß steht guat.
 Da schaugn an diem die Cavalier'
 Und fragn, wo hast es her,
 Wann aber i' am Wazmann zoag',
 Da fragn s nimmer mehr. —
 Dees freut mi' an die Bliemin just,
 Daß's braucht a' Schneid' und Fleiß,
 Sunst kriegst es nit, d'rum hoast mer's aa'
 Nit unrecht Edelweiß.
 Und weil beym Steign in der G'sfahr
 I' grad mein' Gott vertran',
 So brock' i' gern a' Sträußl aa'
 Für unser liebi' Frau.

D wann nö in den Wazmann dort
Noa Laane abageht,
Wo meini Jagerbliemin san,
Mei floana Gartn steht;
Ja liebi Frau, i bitt' di schö,
Wann d' Laane ebba bricht,
So denk' auf mi und mach' das halt
Mein Edlweiß nix g'schicht!

Boarisch.

Mei~ Ahnl' und mei~ Vater
 Warn bravi boarisch'i Leut',
 Und boarisch will i~ bleibn,
 So lang mi~ 's Leb'n freut.
 Es hätt' an diem wohl oana
 Uns gar gern anders g'macht,
 Datho~ hat's aba foana,
 Hat's foana z'wegnbracht.

Dees boarisch' Blau, dees Farbi,
 Hat gar an guetn Halt,
 Sunst waar der boarisch' Himi
 Scho~ g'schoßn, er is alt,
 Und weiß schickt unser Herrgott
 'N Schnee, bal's schneibn thuat,
 Dees hätt' er lang scho~ g'ändert,
 Waar ebba d' Farb' nit guat.

Mir hamm aa für die Farbn,
 So lang ma san, nix g'spart,
 Der Löw' hat raaffe~ müß'n
 Mit Adler aller Art,
 Mir hamm en nie verlassn,
 Bont wegen den weiß und blau
 Und Gott hat allzeit gholfa
 Und unser liebi Frau.

Drum laß i' aa Leib und Leb'n
Für's Boarn nnd für mein' Herrn,
Und soll von meini Buabna
Aa koaner anderst wern,
Und soll's a jeder sag'n,
Als wie i 's sag'n ko':
Der Vater war guat boarisch,
Er war a braver Mo'.

Gedank'n.

Wenn Alles schö staad is und still in der Nacht
 Und i' aus'n Fenster die Stern' so betracht',
 So denk' i' mir oft und sag' ma: ha mei',
 Wie werd's wohl da droben in Himmi sey'!

Wohl sagn s', daß dortn a Herrlichkeit
 Wie's koani herunt auf der Erdn geit,
 Und dengerscht, so kimmt's do an jedn hart o',
 Wann er halt amal nimmermehr dableibn kö'.

Za ja, es is bsunders dees Leb'n dahier,
 Daß oana gern da waar, was kann er dafür,
 Und do' muß er furt, muß gar gschwindi' dahi', —
 Oft wundert's mi', daß i' so lusti' bi'!

Wie's halt geht.

S' Diendl hat die Fink'n gern,
 Lockt s', thuat ihna schö,
 D' Finkẽ aber fliegen furt,
 Laß'n 's Diendl steh'.

'S Diendl hat die Kersch'n gern,
 Hat sei' Gfall'n dro'
 Und die dumma Kersch'nbaam
 Schaug'n s' gar nit o'.

'S Diendl hat die Bliemin gern,
 Red't sogar damit,
 Und die zupft'n Dinger da,
 Die verstenga s' nit.

Und i laaf zwoa ganzi Jahr'
 Um dees Diendl scho,
 Und sie fliegt, als waar s' a Fink,
 Allewei' davo'.

Und i schaug so oft nach ihr,
 Schaug mi' halbet dumm,
 Sie macht's wie die Kersch'nbaam,
 Rummert si' nix drum.

Und i red' so süß und sei,
 Plag' mi da und dort,
 Thuat s', als wann s' a Biemi waar,
 Sagt ma nit a Wort.

Kimm' i wied'r amal auf d' Welt,
 Woak i, was i thua,
 Werr a Fink, a Kerschblüh
 Ehnder als a Bua.

Schö Floaweis.

Schö floaweis muaßt d' in Alln handln
 Und fall' nit mit der Thür' in's Haus,
 Stürmst wie a Wilder auf a Diendl,
 Was hast davo, sie macht di' aus,
 Schö floaweis werst es nit vergräma
 Und werd s' dei' Lieb' nit übi nehma.
 Will 's Wasser durch an Fels'n bohr'n,
 Dees hast do' gwiß gar oft scho' gsegn,
 Schö floaweis arbet' jeder Tropfa,
 Schö floaweis, schau da bringt's 'was z'wegu,
 Was d' Ame'su Alls zammattrag'n
 Schö floaweis, is ja nit zun sag'n.
 Wer auf an Berg wollt aufi rumpin
 Als wie a Mader auf an Baam,
 Daß den der Blasbalg nit verlasset,
 Dessel', verstehst mi', glaab' i kaam,
 Schö floaweis konst an jedn zwinga,
 Mi 'n Geh' kimmst weiter als mi 'n Springa.
 Dans aber muß i' dengerscht sag'n,
 Dans macht an' Ausnahm, wann's just gschicht,
 Schau, will der Feind 's Land überschwemma,
 Da hat dees Ding 'a anders G'sicht,
 Da muaßt d' nit floaweis drunter schlag'n,
 Da nimm s' glei buzedweis bei'n Krug'n.

Von Herzog Max.

Moant's, Es allos kinn't's Zithernschlagn
In Steyermark und Krain,
Wann's ebbes B'sunders hör'n wollt's,
Kemmts grad nach Boarn 'rei.

Und fragts amal nach Wittelsbach
Und nach sein' liebn Herrn,
Da glantz den schön'n Zitherspiel
A gar a guater Stern.

Es is der Herzog Maximilian,
Der selber d' Zither schlägt,
Woß nit, ob mar an sellan Prinz
Bei Ent in Land verfragt.

Und spiel'n thuet er's nett und fei',
Hat halt a Lieb' zu'n ihr,
Dees kimmt, verstehst, von sein Gemüth
Und 's Herz hat er dafür.

Und schau, dees is die Seltenheit
An so an groß'n Herrn,
Daß 's Herz nix von sein' Tittl woß
Und hat a Zither gern.

Und schau dees is a Zeugn'schaft,
Wo koani drüber geht,
Dafß d' Zither aa, als wie beim Ent,
Bei uns in Ehr'n steht.

Die stoanern' Jager.

Zwoa Jager steig'n in an Gwänd',
 'S red't koana nit a Wort,
 Sie steig'n langsam nach der Höh',
 Es is a schießer Ort.
 Und wie s' jeß kemma gegen d' Schneid,
 Da rastn s' auf an Eck,
 Sie segn schier zun Ferktn aus,
 So barti, wild und keß.
 Just graut der Tag, der Nebi liegt
 No' tief herunt' in Thal,
 Von sellan Platz, da sieht ma scho'
 Biel' Dörfer aufamal.
 Und wie s' a weil so rast'n thien,
 So hörn s' Kirche'gläut,
 In d' Fruhmeh' ruft a Glöckl 'zamm,
 Dees Lät'n hört man weit.
 Da stopft der oa a Pfeif' Taback,
 Der ander pußt sei' Bir
 Und Brantwein trinkt s' aar an Schluck,
 Aber betn thien s' nix.
 Und wieder üb'r a kloani Weil,
 Da lät't dees Glöckl brunt,
 „Jez wandln s' erscht, lacht da der oa,
 Mir wandln scho' zwoa Stund'.“

„„Ja Wandeln hin und Wandln her,
 Hat wild der ander gsagt,
 A Gamsbock ischt mer allweil mehr,““
 Und hat sein Stugn 'pact.
 Und weiter steigen s' über's Eck
 Und schaug'n in Grabn 'nei,
 Da steht a starker Gamsbock drinn,
 Der werd bald ihna sey.
 Da schießt der oa, er fällt nō nit,
 Der ander aa zünd't o,
 Und auf die Schuß, da hat's an Hall,
 Als wie a Dunner tho,
 Als schlieg a Weterstroach grad ei,
 Was dees bedeut'n soll?
 Die Schüg'n rumpin in anand,
 'S is ihna nimmer wohl,
 Denn schau, der Bock in Grabn drunt'
 Wird zojet wie a Bär,
 Die Krifln werrn großi Horn
 Und feuri' schaukt er her.
 Dees is loa Gamsbock, guab' da Gott,
 Dees mueß der Teufi sey, —
 Da packn gschwind die Jager 'zamm
 Und laafa woltern frei.
 Auf oamal aber laßn s' aus,
 Es werrn d' Füß' so schwaar,
 Und grad' als wann der jüngsti Tag

Auf Erdn kemma waar,
 So zieht a Nacht im Weter 'rei,
 Roa Schrittl kinnes' geh',
 Und 'Blut is worn so kalt und starr,
 Als sollt's auf ewi' steh'.
 Und horch in Wetersturm da halt
 A Schroa weit über's Land, —
 Da war a graußi Wandlung gschegn,
 Verhängt von Gottes Hand. —
 Wohl wieder drunt' zun Betn läut't
 Dees Glöckl aus der Fern',
 Die drobn aber warn Stoa',
 Sie kinne's nimmer hör'n.

Bei Salzburg steht a hoher Berg,
 Der Staufn, wer 'n kennt,
 Da san zwoa langi Fels'n obn,
 Die stoanern Jager g'nennt.
 Die Fels'n stenga heunt no' da,
 Als Joacha von den G'richt, —
 Der Kruag, schau, geht so lang zum Brunn',
 Bis er amal dabricht.

Die Sennderinn.

A Senndrinn hat a Kalbn gsuaht,
 Da hat s an Jager gsund'n,
 Der war d'erschlag'n jämmerli,
 An Händ und Füß'n 'bund'n,
 „D Senndrinn liebi Senndrinn mei~,
 Schneid o die Strick, i bitt' di' sei~,
 Du sißst, wie elend daß i' bi~,
 D hilf, i' bitt', sunst bin i' hi~.“
 Die Senndrinn schau't a guati Weil,
 Ihr hat sei~ Freiheit gar koan' Eil,
 Do' endli' noagt se si~ zun ihm,
 Als helfet s von die Strick und Riem'.
 Und langsam zieht s ihm 's Messer 'raus,
 Da kimmt den Jager on a Graus,
 Was draht er d' Augn denn so weg,
 Was macht ihm denn an sellan Schreck?
 Die Senndrinn sagt ihm staad ins Ohr,
 (Ihm kimmts so laut wie Danner vor)
 „„Mein Buabn hast d' erschos'n mir,
 Was moanst, was ghört denn dir dafür?““
 Sie geht und schneidt zwoa Darn 'zamm,
 Daß s just an Kreuzl gebn habn,
 Dees steckt s bein ihm in Bodn 'nei~,
 Und keil't 's gar fest in Stoa'ner ei~,

„Verstehst mi, sagt s, wann's Schnee o geit,
So woass ma do, wo oaner leit.“

Und schaut 'n nomal furchtbar o,
Wirft's Messer weg und geht davo. —

Der Winter is kemma grauss kalt
Und gfrorn hat's, es war a Gwalt
Und gschneibn hats scho Tag und Nacht
Und 's Eis hat schier zun Ferschtn kragt. —

Da wadt a Wei in tiefn Schnee,
Tracht't nach der Wallfahrt auf der Höb',

Gar bloach is's und is muettersloa,
Wer werd denn jez a Wallfahrt thoa?

Bei so an Wetter 's is a Graus,
Da jagt ma ja koan Hund nit 'naus.

Und 's Wei dees arbet' bis in d' Nacht,
Hat d' Wallfahrt nimmermehr damacht,

Gar bald verwaht und floa verschneibn
Is s' todt am Kreuzweg liegen bliebn. —

Dees Wei, schau, war die Sennderinn,
So gar scharf sey, bringt nie koan G'winn,
Wer gar so hart und wüthi' thuat,
Der schad't ihm selm, es thuat koa Guat.

Die verliebt'n Buabn.

Es war amal a schöni Dirn,
Die habn drei Buabn g'liebt
Und sie hat weiter koan d'erhört,
Da warn s' gar betrübt.

Die Buabn war'n guati Freund'
Und hab'n oft g'redt davo',
Wie daß bees Diendl gar so stolz
Und wünschet si' koan Mo'.

Und wie s' amal so g'ammert hab'n,
Bon ihr'n Trutz und Gspött,
Daß 's wahrhaft zun d'erbarma war,
Da habn sie 's Leb'n verred't.

Der oa' hat g'sagt, i' häng' mi' auf,
Der oa', i' schieß' mi' todt,
Der jüngst' hat gsagt, i' spring' in See,
Es war a groözi Noth.

Und wo drei Weg' vonander gehn,
Da hab'n se si' trennt,
Und sagt's a jeder no' amal,
Es waar die Nacht sei' End.

Der jüngste geht schnurgrad zun See
 Mit sein' Verdruß in Sinn,
 Da hört er juchz'n von an Berg
 Weithin a Sennederinn.

Die kennt er wohl, sie tanzt so guat,
 Da fällt ihm dabei ei~,
 Daß morgen Kirter is in Dorf, —
 Da werd's wohl luschti sey~.

Mei~, denkt er ihm, 's is grad oa~ Ding,
 Mach' no~ den Kirter mit,
 Stirbst morg'n grad so guat wie heunt,
 Dees draht 'n Handl nit.

Dees Ding war guat; den andern Tag
 War richti~ zeiti~ gnua
 Beim Wirth, wo Alls wohlauf beinand,
 Der desperati Bua.

Er schaukt a Weil 'n Tanz'n zua,
 Die erst', die zwoati Schaar,
 Die dritti aa~ no~, denkt er ihm,
 Mit dir is 's so bald gar.

Und wie die dritti Schaar anfängt,
 Wer hätt' 'was selles g'laabt,
 Da kemma feini saubern Freund'
 Und tanz'n, daß Alls staabt.

Kobell's, Oberbayer. Gedichte.

Was moants jeh nacher, hat er thõ
 Er hat sĩ gwiß beschwert,
 Daß die so lieberlĩ und falsch
 Und hat recht aufbegehrt? —

O Na! er hat's gleĩ aa so gemacht,
 Jeh schau die Schlängl õ,
 Und hat ihm nit an oanziger
 An Leb'n ebbes thõ.

So is der Mensch, wie 's Wetter halt,
 Oft anders über Nacht,
 Und oft an Unglück nit weit her,
 Wann's oaner recht betracht'.

Die Füchſ.

In Wald ſteht a Hütt'n, da ſign beinand
 Drei Jaga, die prahln und ſprecha:
 No morgn, da woll' mar ſ' mit Pulver und Blei
 Amal schö' ſauber derblecha,
 Mir ſchießn 'n Hirsch, Ees werds es segn
 Und Böck und Haſn, ſo viel ma mögn. —
 Und a Haſl ſigt draußn in Gras verſteckt,
 Dees hat ſeini Löffi gar hoch aufg'reckt
 Und hat Alles g'hört, denn ſtill war d' Nacht
 Und hat ſi' danacha gſchwind weiter g'macht.
 Und is dir halt grittn durch Acker und Feld
 Wie a Narr und hat's die Rammradn verzählt,
 Und hat unterwegs aar an Nechbock g'segn,
 Den hat's es aa gſagt, was morgn ſoll gſchegn,
 Und der Bock hat's an Hirsch wieder weiter bericht't,
 Es war a verzweiflti böſi G'schicht.
 Und Hirschn und Haſn und Böck mitanand
 San furt in der Nacht in an anders Land. —
 In den Wald, da warn aar an etliche Füchſ,
 Die arme Leuſi wiſſn vo' nix,
 Es hätt' wohl a Haſl von weitrn oan' g'segn,
 Es hat ihm aber nix zurufa mögn'
 Und ſoa Hirsch und ſoa Bock hat ihna 'was gſagt,
 Daß morgn ſollt' ſey' a ſo graufami Jagd.

Jetz' san halt die Füchsf' schö' sauber 'bliébn
 Und habn umsunst ihna Schleicherei 'trieb'n
 Und d'rauf in der Früh', es war grad a Zux,
 Der ersti derschoffeni, dees war a Fuchs,
 Und richti' san f' alli derschop'n worn
 Und sunst nit a Hasl war hint' und vorn.

Verstehst es, mei' Freund, was dees G'schichtl
 bedeut't?
 Schau so geht's in der Noth aa die bösn Leut.

Allewei' Gott vor Mugn.

„Bhüt' Gott und bleib' schö' siñn da,
 'Geh' grad a wen'g in d' Kircha nā
 Und reiß' ma' fei' koā Bliemi 'zamm,
 Mir müßn s' für 'n Herr Pfarrer habn.“

Zum Būabi hat's der Vater g'redt,
 Dees hoctt schö' an an' Bloamabett,
 Pfü' Gott, sagt 's Būabi, 's is schö' recht,
 — Obwohl 's gar gern a Bliemi möcht'.

Und wier er furt is, denkt der Kloo,
 Es werd ja do' so viel nit thoo,
 Wann i' an oanzig's Maagerl brock',
 Es san ja duzedweis am Stoc.

Da brockt er oa's, ah Narr, die Freud!
 Die Schönheit und die Herrli'keit,
 Zwoa aber waarn halt schöner do',
 Da brockt er aa des zwoati no'.

Jez' no' des dritt' und no' a' Paar,
 A Buschn wur's, es is schö' wahr,
 Da müßn aber mehra her! —
 Da brockt der Bua halt kreuz und quer.

Und singt, dieweil er Alls zerrupft
 Und Alls in kloani Fegln zupft:
 „Wo ich nur bin und was ich thu
 Da schangt mir Gott mein Vater zu.“ —

— Der Alti in der Kirch' denkt dro,
 Wie er a Rosß verkaafa ko,
 Dees Rosß is blind und dampff is's
 Und hat im Huaf den größtn Riß.

„I gib's halt wohlfi, — ah warum?,
 'N Hansl giebst es, der is dumm,
 Halt na! 'n Sepp, der zahlt no mehr,
 Der is ja no der dümmer der.

„Scho richti ja, der geht mer ei
 Und 's werd in allerklügstu sey,
 I häng' ihm z'erscht an Dampes o,
 Damit i leichter handln ko.“

Und schau, dieweil er so studirt,
 So hat er 's Mäü gar fleißi g'rührt
 Und bet't mit Vaterunser gnuu
 Den längstn Rosnkranz dazua.

So! habts nur allwei Gott vor Augn! —
 D kunnt mer Ent in Kopf nei schaugn,
 Wie oft steckt da was anders drinn
 Als für 's Gebet a frumma Sinn!

Die gfabrlinga Wüñsch'.

Es hat a Jager auf Gamssein 'bürscht,
 Die habn en so viel g'freut,
 Und hat ihm denkt, waar nõ meĩ Berg
 So lang wie d' Ewigkeit,
 Und waar er nõ so schiech und wild
 Bon Kopf bis auf'n Grund,
 Daß wohl der hundertst drã verschraak,
 Und da nit eini kunnt.

Da hat er g'moant, waar ihm allos
 Vor gar koañ Grab'n bang
 Und waar er g'fahrlĩ, wie der will,
 Er waget jed'n Gang.

So steigt er furt, steigt auf und o
 Und Grabn eĩ und aus,
 Auf oamal steht er an 'ra Wand,
 Da kon er nimmer 'naus.

Und sõ nit ruckwärts und nit für,
 Dees is ihm nie passirt,
 Wo Sakra, denkt er, bist denn jesh,
 Jesh hast dĩ gar verirrt.

Er schaukt und sicht weit um und um
 Und nix als Stoa und Gwänd
 Und hat seiñ Berg und seĩ Revier
 Wahrhafti nimmer kennt.

Und Gamsfein sicht er Rudlweis,
 Kõ aber nit dazua,
 Kõ sĩ nit rübrn auf den Flect
 Und sikt ihm halt grad gnua.
 Jesh' is ihm dengerscht anders worn
 Und traurĩ schangt er nõ,
 Bon weiter femma is foa Red',
 A jeder fallet õ.
 Da sikt er druntn tief in Thal
 A ganzi Jagerschaar
 Und sikt foañ Weg', wo s' eini san,
 Dees war ihm wunderbar,
 Und sikt oañ 'bundn an an Baam,
 Was dees bideutn kunnt,
 Er denkt, der is dõ besser drã
 Als ĩ, waar ĩ so drunt'!
 Und kaam daf̃ er des Ding ihm denkt,
 So steht er an den Baam,
 Der 'bundne waar er und hat glaabt,
 Er lieget in an Traam.
 Die fremdn Jaga habn viel g'redt
 Und endlĩ femma drei
 Mit Birn und die sag'n ihm,
 Jesh' bet', 's is gleĩ vorbei.
 „Was waar jesh' dees, hab' Ent nix thõ,
 Ĩ woaf̃ ma ja von nix,“
 Schõ guat, so habn die andern gsagt

Und langa nach der Bix,
 Und legn nettet auf ihm o,
 Da fliegt a Fink vorbei,
 D denkt er, waar no i' der Fink,
 So waar i' dengerscht frei;
 Und wier er 's denkt, so fliegt er scho
 Und is a Vogl worn
 Und fliegt, er woaf gar nit wohi,
 Hat woltern d' Schneid verlorn.
 Da stoß a großer Geyer ro,
 Raam kimmt er ihm no aus,
 Der Geyer nach, o Gott koa Busch,
 Koa Baam, es war a Graus.
 Er fliegt schier todt von Wand auf Wand,
 Der Geyer nachtet dro,
 Auf oamal nimmt 'n der bein Kragu,
 Da schreit er, was er ko.
 Und bei den Schroa, da war vorbei
 Des ganzi Hernwerk,
 Er war auf an bekanntn Platz,
 War wieder auf sein Berg. —
 War dees was anders, war's a Traam,
 Er hat si nit verkennt,
 Und is als wie a gfehlter Fuchs
 Von selln Fleckl g'reunt.
 Und hat ihm weiter nimmer denkt,
 Daß er was bsunders möcht

Und war ihm nacha sei~ Gebirg,
Wie 's ebba war, scho~ recht. —
So wünscht oft mancher auf der Welt
Und büffet's nacha schwaar,
Wann unser Herrgott Alles thaat
Und nit der Gschentre waar.

Mei Himmi.

I woass an bsundern Himmi,
 Da haust koo Heiliger drinn
 Un dengerscht is der Himmi
 Wie oaner nach mein Sinn.

Der Himmi hat a Paar Fensterln,
 Schaugt aber koo Sternerl 'raus,
 Hat aa koo goldeni Sunneuhr
 Und macht ihm aa nix d'raus.

Der Himmi is-a Hüttu
 Und just dees g'fallt mir dro
 Wie's drinn so schö und liebli,
 Ma' flecht's ihm gar nit o.

I moan' du kunst's berrathn,
 Was in den Himmi waar,
 Ja ja es ist mei' Diendl,
 Und die is so viel raar!

Und muass i amal sterbn,
 I gieb mi' willi' d'rei',
 Wann i' grad mi' mit mein' Himmi
 In Himmi lahn 'nei',

Denn meiner muas a Stückerl
Gar gwiß von den dort sey,
Und wo dees Stückerl sei'n thuat,
Da sey' i's wieder ei'.

Peßmaiers Zitherspiel.

Wenn Er, der Moaster, auf der Zither spielt,
 So lust ihm Alles, Jung und Alt,
 Was Schön's und Freundli's in der Musi is,
 Dees hat er sauber in der Gwalt.
 Und hörst so zua, so stichst dabei
 No in Gedankn allerlei.

Ich sich a Diendl, dees in stiller Nacht
 Den lieb'n Mond am Himmi drob'n betracht',
 Den Diendl feit was, is jeh, was da will,
 Denn trauri is's, dees sagt mir 's Zitherspiel.
 Der Mond werd freili nit sei Unglück sey,
 Verliebt is 's Diendl, dees bild' i mir ei,
 I stell' mirs für gar jung no und gar schö,
 Und ihra Seufzn thut mir nachet geh, —
 Du armer Narr, i wollt' daß i 'was fund,
 Was dir und mir danebn helfe kunt.

Und wie i uns a so bedauern thua,
 So klingt was Lustigs aufamal dazua,
 Da hör i singa Schnaderhüpfln sei
 Und frisch Buabn hör' i pfeife drei.

Diendl wo feit's
 Und was habn's dir denn 'tho?
 Hat dei Schatz di verlaßn,
 Nimm mi dafür o.

Du muess dir nit denka,
 Für di' gaabs a Zeit,
 Wo Scherzn und Liebn
 Dei' Herz nimmer freut,
 Denn so a frisches Diendl,
 Dees laßts nit glei aus,
 Drum laß uns oans tanzn
 Und mach dir nix d'raus. —

Und läfti und schneidi
 Gehts aufamal zua,
 Es draht si' fein 's Diendl,
 Es schnacklt der Bua.

I hör' die Trompetn
 Von Tanzbod'n raus,
 Vor Leut und vor Musi
 Schier wacklt dees Haus.

Und drunter und drüber
 Geht Alls durchanand,
 Es is al wann Rirter waar
 Uebrall im Land. —

Und in an Winkl siht an alter Jagersmo',
 Der fangt ihm a an uralts Gsangl o'
 Und schnurrt im tiefn Bass und schlägt mit'n Fuß
 an Tact,
 Weil alti Löber aa die Masi packt.

„Hon oft gschöpn, singt er, auf an guatn
Hirsch,

Oft auf d'Gambsein aa scho gmacht a feini
Birsch,

Auf Egidi alleweil und Barthlmä
Ist a frischer Jager bei der Höh.

„Ho am Rogl oft an Spielhohn falzn ghört,
Ho mi drum, als waar's a saubers Diendl,
gscheert,

Wann der Spielhahn falzt und gruglt aufn
Schnee

Ist a frischer Jager bei der Höh.

„Ho von Schießet oft an schön'n Fahna g'holt,
Für mein Schäß a Luechei, wann mar 's Glück
hat gwohlt,

Bei an Schießet und bei'n Diendl ja voneh,
War i aa scho woltern bei der Höh."

Und eh' der Alte mit sein' Gsangel still,
Nimmt a Harpsn und an Orgelschpiel
Und die Landler wieder tanz'n drunter raus,
Und mei Herz, es kennt si nimmer aus.

So geht der Wechsl und sei Zitherschlag'n,
Es is, als wie dees Wasser von an See,
Balb is's so glatt und ruhi, wie a Spiegel
Und Sternein schaugn eini von der Höh,

Bald kimm a Sturm und hörst die Wellen
 brausu,
 Und nacher wieder hörst a frumms Gebet,
 Als thaat da oaner drum 'n Himmi danke
 Daß ihm sei Schiffei no nit untergeht. —

So kö ma wohl a bißl 'was verzähl'n,
 Was aus der Zither aufa bringt der Mo,
 Des Rehti aber, des oan dabei riegl,
 Dees glaab i nit, daß's oaner sagn kö,
 Schau b'schreib' an Regnbogn no so sei,
 Sei Lebta werds koa Regnbogn sey,
 Und so gehts mir mi'n Gschpiel von selln Mo,
 Drum sag' i, kimm und hör dir'n selber o.

Der Fuchs und der Has'.

Es is amal gar was Seltfam's gschegn,
 Ma werd ebber selles so leicht nimmer segn,
 A Has' und a Fuchs san mitanand ganga
 Und der Has' der vertraut an Fuchs a Verlanga.
 Schau, sagt er, i hon no' koan' Menschn gsegn
 Und 's waar ma wahrhafti gar viel dran glegn,
 Du kennst gwiß oan'
 Und i no koan',
 Geh' zoag mar an Menschn, i bitt' di' drum,
 Däß i aa do' amal zu den Anblick kumm'.
 Scho' recht, sagt der Fuchs, dees ko' leicht sey'
 Und maust a so hinter den Has'n drei'. —
 Da segn s' auf an Feld an kloaleizunga Buabn,
 Der sißt in an Acker und frist a Ruabn,
 Sagt der Has', da schau, ob dees koaner is,
 „Na na, sagt der Fuchs, dees woas i gwiß,
 Dees werd erst a Mensch, verstehst mi' mei' Kind,
 Es geht mit an Mensch'n nit gar a so gschwind.“
 Jez kemma s' ins Holz, steht an alter Mo',
 Der haßt ihm da Daarn, der Has' schaukt 'n o',
 Is dees nit a Mensch, so fragt er den oan',
 „„Na na sagt der Fuchs, da sichst aa no' koan',
 Dees is oaner gwes'n und is koaner mehr,““
 Und wie'r er so red't, kimmt a Jager daher.

Der Has' macht a Mannl und schaugt wie a Fuchs,
 Sollt' dees oaner sey, so fragt er 'n Fuchs,
 „„Ja ja du, der is's, jeh' schaug' 'n recht o,““
 Er aber schiebt o und macht si davo,
 Und 's Hasl hat gschaut, auf oamal pöpüm,
 Der Jager hat gschöß'n, da fugt er um.

Da sichts auf a Haar, wie's auf der Welt geht,
 Wer an Schlangl vertraut, der is allzeit labet.

Der Mensch.

Der Mensch is wie a Zuchtnstieff,
 Der thuat in Anfang aa foa guat,
 Muß viel d'ersfahrn und viel schluckẽ,
 Bis daß ihm 's Wasser nix mehr thuat.
 Und taugt er 'was und is er z' brauch'a,
 So is er alt, werd nimmer neu,
 Und nacher, es is ganz natürli,
 Is aa der Gschpaff gar bald vorbei.

Der Thaler.

'Raucht an alter Mo sei Pfeifei,
 Schaugt an junga Madl zua,
 Seiner Godl, die hat Arbet,
 Führt s' zun Tanz ja heunt der Bua!
 'S Madl pußt si vor 'n Spiegel,
 Hat a seide's Mieder o,
 In sein' Gschnür viel' alti Thaler
 Hänge durchanander dro.
 Hat's gar nöthi vor den Spiegl,
 Setzt sei Rieglhaubn auf,
 Ah dees waar a Rieglhaubn,
 Da san reichi Börtln drauf!
 Taufed bis die Rieglhaubn
 Auf den rechtn Fleckl sißt,
 Daß in schwarzn Haar dees Silber
 Wie si 's ghört, schö glantz und blickt,
 Dees is 'was, da draht si 's Gsichtl
 Duzedmal bal hin bal her,
 Endli' thuat se 's und sie denkt si,
 Schö bin i', wie koani mehr.
 „Muast die Thaler aa no richt'n,
 Sagt der Göb, ma sicht s' ja nit,
 Bal' s' so durchanander pampin,
 Hast jek' da koa Freud damit?“

Nicht't halt 's Mabl aa die Thaler
 Und da reißt ihr oaner a,
 „„Magst nit mitgeh' du zun Tanzn,
 Is oa' Ding, so bleibst halt da.““ —
 Hui da pfeift's, der Schag is druntn,
 „„Kimm scho““ und sie fliegt davo' —
 Dapfdi dapfdi mit die Diendl
 Brummit nach der alti Mo';
 „Was do' schlauderisch die Zugẽd!
 Laßt ihm frei den Thaler hint',
 Hört und sieht nit so a Diendl,
 Bal's a Tanzl wo verwindt.“
 Jesh' bitracht't er ihm den Thaler,
 Setzt dazua sei' Brilln auf,
 Schau da is an' alter Kurfürst
 Max Emanuel is drauf;
 „Glaab dir's gern, magst nimmer tanzn,
 Du hast mit die Türkn 'tanzt,
 Selm da habn wohl andri Geiger,
 Andri Fidlbögn g'schanzt.
 Gel' jesh' is der Handl anders,
 Schaugt der Türk gar daasi her,
 Bal's so furtgeht, wie s' verzähln,
 Giebt's bal' gar koan' Türkn mehr,
 Selm da hat's no' beissn brauchn,
 Da war no' a scharpfi Zeit,
 Und do' hat der Boar halt gwunna,

Schau dees hat mi allzeit g'freut.
So a Thaler an an' Mieda!
Na! der Thaler bleibt bey mir,
Müßt i nit mei' Godl kenna,
Nimmt a Lücke gern dafür;
So an' Thaler muas mar ehrn,
Weil's an' Angedenka is,
Daz der Boar 'n Türkn gmoastert,
Wie der no' was gwes'n is!

'S Krampfringl.

Da schau! a schöni Tyrolerin!
 „„Raaf mer was o, geh nimm dr was mit,
 Besser wohl kriegscht koani Handsche nit
 Ober die Pfeisn, ischt ja a Pracht,
 Ischt gar raar von an Gamskridl g'macht,
 Schau a Paar Federn, thu her dein Huat,
 Laß es probirn, bi stenga dr guat,
 Ober a Ringl von Stoabockhorn,
 Ischt für 'n Krampf oft verschrieb'n worn.““
 'Dent mir, was Handsche, was Federn und Ring',
 Dees san ja dengerscht grad unnüzi Ding,
 'Raaf weiter nix, schaug' aber Alls o',
 Grad daß i 's Diendl recht anschaugn kō;
 Tausend! die Aug'n, dees waarn a Paar,
 Die weißn Zahnerln und dees schwarzi Haar,
 Wahr is's dees Diendl da aus'n Tyrol
 Hat mer scho g'falln, wie koani so wohl.
 Wie i' do endli davo gange bi',
 Nimmt s' ma halt gar nimmermehr aus 'n Si'
 Und auf amal, da hon i was g'schpürt,
 Hat ma so g'schpafi mei' Brust z'ammag'schnürt,
 'Woß nit warum und dees laßt mi' nit aus,
 Grad als wollt' ebbes zun Herzlaschn 'raus.

'Dent ma, bist krank, und glei~ fällt's mir ei~,
 Dees muß a Krampf, ja a Krampf muß's sey.
 'Suech mir gar gschwind die Tyrolerin;,
 Sigt s wie a Ros'n in Lobl drinn,
 Bua ja so fei~, wie Milch und wie Bluat,
 Justement, wie mar's so maln thuat.
 'Raaf mir a Ringl von Stoabockhorn, —
 Is mir aber nit besser worn, —
 Sie hat's wohl gsagt, er waar dafür guat,
 Daß er 'n Krampf vertreibn thuat,
 'Will's aa nit laugne~, dees ko~ oft sey,
 Aber allemal trifft's nit ei~.

Der Fuchs.

„Grüß di Gott Miede, wo gehst hi?“
 „„Haslnuß brock“, hon i in Si“““
 „Miede in Wald so ganz alloa?
 Runnt dir ja leicht der Fuchs was thoā.“
 „„Beißt mi koa Fuchs, dees woß i scho,
 Jaget 'n glei mit'n Schurz davon.““
 „Na Miede na, i geh mit dir,
 Gar scheeni Nuß woß i dahier.“
 Genga s' halt so in's Hölzl 'nei,
 D' Sunna scheint grad verstohln 'rei,
 D' Bögerln die singa in Gebüsch, —
 'S Diendl is jung, der Bua is frisch! —
 Brocka gar fleißt Nuß mitanand,
 Dawischt der Bua 's Diendl oft bei der Hand,
 Scherzt a so 'rum, „du Sakra-Bua,
 Geh laß mi aus und gieb an Ruh.“
 Brocka so furt die Nuß mitanand,
 'S Diendl dees hat an hart'n Stand,
 Scherzt a so 'rum der Sakra-Bua,
 Laßt halt nit aus und geit koan Ruh. —
 Und wie s' vonander san auf d' Nacht,
 'S Miede a traurigs Gesicht hat g'macht,
 'S Miede is woane'd gar davo, —
 Hat ihm leicht do der Fuchs was tho!

Ja so a Fuchs, der is gar schlau,
Diendln die wissen's nit so g'nau,
Schleicht si an dieweiln oaner o,
Jagen s nit all' mi'n Schurz davo.

Die Ordnung.

Es hat der Bliß an' Esel verschlag'n,
 Da hat si~ a Distl gfreut,
 Der hätt' mi~ gfreßn, hat s' ihm denkt,
 Jeß bin i~ in Sicherheit.

Die Distl hat a Bübi 'köpft,
 Da hat si~ a Bliemi gfreut,
 Hat gsagt, so a steche~di Nachbarschaft
 Berwünsch' i~ allzeit.

Dees Bliemi hat a Dienbl 'brocht,
 Da hat si~ a Graßl gfreut,
 Hat gsagt, die hätt' mi~ schier verstickt
 Mit ihrer Eitlkeit.

Dees Graßl hat a Bach verschwemmt,
 Da hab'n si~ d' Stoaner gfreut,
 Habn gsagt, jeß segn ma do~ aar amal
 'N Himmi sei~ Herrlichkeit.

Ja Sakra! wann auf selli Weiß
 Si~ All's in Weg umgeht,
 Was sagn s' denn, daß auf der Welt
 Die größti Ordnung b'steht?

„Dees is ja d' Ordnung, daß an jds
Des mehreri will seÿ,
Und 's is aa guat, sunst schlafet ja
Die ganz' Comedi ei.“

Freyſing und Landshut.

Freyſing iſt a' ſchöner Nam',
 Der den Name' gebn,
 Dees war gwiß a' brava Mo',
 Denn frey ſinga wann ma' to',
 Nacha freut oan' 's Leb'n.

Freyſing iſt, Ees wißt es ja,
 Z'nachst bei Landshut gleg'n,
 'Mo' schier gar, daß dees bideut't:
 „'S Land am beſtn hüt'n Leut',
 Die frey ſinga mögn.“

Wahr iſt's, der ſo daaſt thuat,
 Nix als loami brüt'n,
 Der nimmt aa für's Vaterland
 Gwiß nit gern a' Bix in d'Hand,
 Der werd's nit viel hüt'n.

Aber a' guater Landshuter,
 Dees iſt gwiß a' jeder,
 Der an' Sang liebt friſch und frey
 Der iſt in der Noth dabei,
 Der zieht gern von' Leder.

D'rum so lang' die Name~ nõ
 Nachbarli~ 'was geltn,
 Ja so lang' geht's allwei~ g'recht,
 Wann aa van~ oft lustn möcht'
 Ueber d' Zeit'n z'schelt'n. '

Aber thaatn die Nam~ amal
 Nimmer anander kenna,
 Nacher, Bua, waar's freyli~ g'feit,
 Nacher, sag' i~, durfts die Zeit
 Wohl a~ schlechti nenna.

A Gschichtl.

Es warn amal drei Studentn,
 Die san groast in boarischn Wald,
 Da is ehna 's Geld ausganga,
 Dees gschicht an Studentn bald,
 Da habn s' studirt gar fleißi,
 Wie kemma mir jess zun an Geld, —
 Da wolln s' a Camebi spiel'n,
 Wie koani no' war auf der Welt.
 Sie richtn si' her an Tenna,
 A Thürl hintn und vorn
 Und schreibn an großmächtiga Zettl,
 Dees Stückl hoast „Suach verlorn.“
 Und mittn in Tenna als Fürhang
 Da ziegn s' a Blocha auf
 Und ma'n von alli zwoa Seit'n
 Den Name Theater drauf.
 Es kostt der Platz grad an Groschn,
 Der oa' der schreits überall 'rum,
 Die andern an die zwoa Thürln
 Empfangen das Pubelicum,
 Und lasn von hintn und vor'n
 Halt eini, was eini geh' kunt,
 Der Fürhang in Mittl dazwischn
 Der war, versteht si', herunt'.

A Groschn grad für a Camebi,
 Da war der Tenna bald voll
 Und Alles thut andächti wartn,
 Was ebba da kemma soll.
 Es will si aber nix rühr'n,
 Was is denn da dra Schuld,
 Bald stampfa und klopfa die Leutln
 Und endli reißt die Geduld.
 Da hat amal oaner in Färhang
 An tüchtinga Zug auf tho,
 Jez schaug'n die hintern die vödern
 Anander großmächti o!
 Und war ja wohl a Camebi,
 A Gaudi hintn und vorn
 Und war dees verkündigti Stückl,
 Des ghoasn hat „Suach verlorn.“ —
 Natürli die drei Student'n
 San zeiti mit'n Geldl davo
 Und habn sie 's derweil nit vertrunka,
 So habn sie's ebba no.

Der Jaga.

(Mit zwanzig's Jahr.)

„Wann grad i' aa was kunnt' verzähl'n,
 Was bsunders moan' i' vun der Jagd,
 So von an Wolf, den i' erschos'n
 Und der mi' schier bein Krag'n packt,
 Von Luchsfang oder von an Bär'n,
 Weg'n meiner von an Murmithier,
 Mir aber will gar nix passir'n,
 Raam bockt so a Has' zu mir;
 Jez' bin i' scho drei Jahr a Jaga
 Und no' koan' Wildschütz hon i' g'segn,
 I woaf nit, wie's die andern macha,
 Denn die is alli 'both was g'shegn.“

(Mit fufzig's Jahr.)

„Ja ja, den Wolf dent i' mei' Lebta,
 Er hat mi' schier bei'n Krag'n packt,
 I' schief ihm auß dreizehn Post'n
 Und moanst, i' hätt 'n mehr dafragt?
 Als waar er halt mit Eis'n bschlag'n,
 So is er furt, es war vorbei,
 Bei so an Thier, bal' 's recht verwildert,
 Da nuht koa' Pulver und koa' Blei.“

Kobell's, Oberbayer. Gedichte.

Nett so a Gschicht' war's mit an Bär'n,
 I' kimm amal nach Steyermark,
 Da geit's es gnua und selli Lober
 San wie die Ochsn groß und stark.
 I' hör' da von an Bärnjagn,
 Natürli' war i' glei' dabei,
 In Winter war's und hat just gschnieb'n,
 Es war a wunderschöner Neu.
 Mir kimmt der Bär, — bi' nit verschroda,
 Roa bißl, laß 'n woltern her,
 Und wie's ma taugt hat zun Schieß'n,
 So schrei i' 'n o', da schaut der Bär, —
 Bua nett auf's Blasl hon i' 'n gschosn
 In Kopf, i' ho' mei' Schußloch g'segn,
 Der Bär stürzt abi in an Grabn
 Und is a Weil da drunt'n g'legn,
 Auf oamal is er wieder 'worn,
 Und fragt ihm wie a Hund in Kopf,
 Kragt d' Rugl 'raus, wer sollt dees glaabn
 Und trabt davo' der brauni Tropf!
 I' fo' die Rugl heunt no' zoagn,
 Sicht wier a Bierazwanz'ger aus,
 Ja Bua a Bär der hat an Schäd
 Nit anders wie'r a gmauerts Haus.
 Und wie mir ihm san nachi ganga,
 Dees war erst no' der größti Gschpäß,
 So treff mer auf a Duzed Wildrer,

Verstandn? von der igrstn Race,
 Da hon i~ 'rausgfangt glei~ die größt'n
 Frei mit der Hand, a Stuck' a drei,
 Bua dees dees damacht so leicht nit oana,
 Dees is nit grad a Gschpielerei!
 Die Jaga, no~ i~ denf's mei~ Lebta,
 Die hab'n freili~ 'gafft und g'schaugt,
 An jeder woast, muß ihm's halt macha,
 Wie daß er's kö, und wie's ihm taugt."

Gel' sagst, was kö ma do~ verleb'n
 In so an etli~ dreißig Jahr', — —
 Ja 's Lüg'n kö ma~ prächtli~ lerna
 Verstehst mi, und a Jaga gar!

Der Windwurf.

Schau Bua, so geht's, wann's ebba feit
 In Fundament, da kimmst nit weit;
 Der Baam hat gmoant jeh', was er waar,
 Hat umanand gschaugt woltern raar,
 Jesh liegt er da mit seiner Pracht
 Und mit sein' Stolz hoast's gueti Nacht.
 Bal oaner kloa is, thuet's es nō,
 A Ständerl, dees kimmt leicht davo',
 Es muas ihm halt was gfalln lasn,
 An Wind scho' wegsteht' aus der Gassn,
 Bal' aber oaner größer werd,
 Und wann a Wind kimmt aufbigeht,
 Der muas scho' steh' auf guatn Grund,
 Sunst is er gar glei' auf 'n Hund.
 Ja Bübi mirk's, vergiß's fei' net,
 Däß's dir nit aar amal so geht.

Schutzengl.

Auf an' jds Kindl
An' Engl giebt Acht,
Sitzt an sein Bettl
Bal's schlaft bei der Nacht.

Wacht allwei fleißi,
Laßt's nit aus 'n Oficht,
Daß halt den Kindl
Noa' Unglück nit gschicht.

Bal' 's Kindl größer werd,
Frumm, brav und treu,
Bleibt dersell Engl
Sei' Lebta dabei.

Guat Nacht.

Guat Nacht, sagt 's Diendl zu sein Buabn
 Und kō nit weiter geh,
 Guat Nacht sagt er, hat's bei der Hand
 Und bleibt halt aa nō steh,

Guat Nacht und nochamal guat Nacht, —
 Da schaugn s' anander o
 Und sie sagt nix und er sagt nix
 Und dō geht koans davo.

Da kimmt der Mond gar herrli' 'rauf
 Am Himmi, ah die Pracht,
 Da habn s' nō a Viertlstund
 Den schön'n Mond bitracht',

Da singt a Bögerl in an Busch,
 Den lusn s' aa nō zua,
 „Was muas dees für a Vogl sey“,
 Fangt wieder o' der Bua.

Sagt sie: „„den Vogl trau' i nit,
 Der Vogl is nit g'recht,
 Es schlafa alli Bögl scho,
 Woas Gott, was der nō möcht.““

„Was traust denn du den Vogl nit,
Fragt weiter drauf der Bua,
Den Vogl geht sei Schägerl o',
Sunst gab er scho an Ruh'." "

„Geh' dir fällt allzeit so 'was ei'""",
Hat 's Diendl drüber g'lacht,
Und übr' a Weil' da sagu s' anand'
Zum viertnmal guat Nacht.

Da fliegt a Fledermaus vorbei,
Da hat si 's Diendl 'duckt,
Sagt er: dees werd dees Bögerl sey,
Moanst, daß's di' ebba schluckt?

„Ja ja mei Muatter hat's oft g'sagt,
Auf d' Fledermäus' gib Acht,
Und bleib dahoam, bal's finster werd,
Drum jeß: a guati Nacht!"" "

So habn sie's no' a schöni Weil'
Mit ihnern Abschied g'macht
Und san schier gar nit firti' worn
Vor lanter: guati Nacht. —

Die Lieb' hat halt an großn Fleiß
Und arbet Tag und Nacht,
Und wann aa Alles schlafa thuat,
Is sie no' auf der Wacht.

Die Hochzeit von Aßling.

In Aßling is Hochzeit, da gehts durchanand,
Es drah'n si' die Diendlin mit Bliemin und Band',
Es springa die Buabn, daß der Tanzbodn fracht, —
Und drauß'n is's still, is a mondhelli Nacht.

Und a Kranzjungfer gar a jungi no'
Macht si' weg von Tanzn, schleicht si' staat davo',
Is ihr denn vielleicht was Unrechts g'schegn,
Denn gar trauri' hon i s' g'segn.

In an Fenster loant s' und denkt,
War' ihm denn so weni' werth,
Hat ma do' a Ringl g'schenkt,
Oft a Sträusl aa verehrt.

Jetz an andri nimmt er si',
Grad als wann i g'storbn waar,
Ganz vergeß'n hat er mi',
Ganz vergeß'n hat er mi', —

Und es werd ihr 's Herz so schwaar.

Nimmt die Braut: „Ja Lene, was waar dees,
Bist jetz gar auf alli Buabn böös,
Daß d' nit tanzn thuast, nit lusti bist,
Hon di' ja mei' Lebta' nit so g'wisst.“
Sagt die Lene: Woast, ist rast' a weng,
'S is ma halt mei' seide's Nieder z'eng,
Bi' scho' lusti', — schau an Mond, wie hell er scheint,
Is a Nacht so scho', wie koani, heunt.

„Allemal, 's is ja mei~ Hochzetnacht,
 Gel~ drum hat der Mond a selli Pracht,
 Paß' nur auf, er scheint dir aa scho~ no~,
 'Sich ja 's Ringl scho~ in Finger dro~.“
 O dees Ringl, sagt die Lene, nimm's für di~,
 Dees war so sei~ Lebta nit für mi~,
 Du hast leicht a größer's Gfalln dro~, —
 Und sie steckt der Braut ihr Ringl o~. —
 Und der Hochzeiter kimmt und a Pandler fangt o~,
 Er führt mit an Zuchzer sei~ Weiberl davo~,
 Es drahn si~ die Diendln mit Bliemln und Band
 Und Tanzn und Musi~ rebelln durchanand.
 Und 's Stündl hat gschlagt und d' Hochzet war aus,
 Mit Scherzn und Singa geht Alles nach Haus,
 Und Alli hamm's traamt von der lustinga Nacht,
 Und habn in Schlafa no~ tanzt und no~ glacht,
 Grad oani in Kammerl alloa, hon i gmoant,
 War nit wie die andern, grad d' Lene hat gmoant.

Die Mühl.

Mei' Vater sagt, da moanst ja do
 Der Teufel hat sei' Gschpiel,
 Was steckst ma denn jeg' alli Tag'
 Da drunt'n in der Mühl?!

Mei' Muatter sagt, dees Klappern da,
 Dees freut di' do' nit viel,
 Bei'n Spinna magst foa Radl hör'n,
 Und alleweil in der Mühl!

Mei' Bruada sagt, in Summa ja,
 Da is's da drinn schö' kühl,
 In Winter aber woas' i' nit,
 Was thuast denn in der Mühl?

Mei' Schwester sagt, i' kenn' mi' aus,
 I woas' scho, was er will,
 Es is halt's Bier bei'n Müller guat,
 Drum sitzt er in der Mühl. —

Und i' sag' nix, foa Wörtl nit,
 I bi' gar mäuselstill, —
 Schau, wegn der schön'n Müllerinn
 Geh' i' so gern in d' Mühl.

'S Liedl.

Es siht a Diendl auf der Raabn,
 Sie is gar schö,
 An alter Kraxler kimmt und siht s,
 Da bleibt er steh.

Du bist ja fei, so red't er 'nauf,
 Wie d'Engln schier,
 'Wollt' für an Himmi sogn schö,
 Gangst grad mit mir.

Dees Diendl sagt, da gehn i' drum
 Meinoad koan' Schritt,
 Den Himmi, den ma du verspricht,
 Den mag i' nit.

„A Bliemi aber lieber Schatz,
 Dees schenkst ma do,
 A Bliemi von dein Nieber schau,
 Dees gfallt ma so.“

„„Dees Bliemi hon i' von mein Buabn,
 Dees laß' i' nit,
 Und wollt's ma was zun Gfalln thoa,
 So gebt's an Fried.““

„So will i~ grad a Liebl hör'n,
 A Lieb von dir,
 Dees Ringl da von feinst'n Gold,
 Dees kriegst dafür.“

Und 's Diendl sagt, a Liebl ja,
 Dees fällt mar ei~,
 Es is wohl schö~, 's kunnt' aber leicht
 No~ schöner sey~.

Da schugt der oa~ sei~ Ringl 'nauf
 Vor lauter Freud',
 Er denkt ihm, du werst do~ no~ mei~,
 'S braucht halt a Zeit.

Und 's Diendl singt: wie trauri~ schaugt
 A Krautkopf aus,
 Der in a Ros'n si~ verliebt,
 Es is a Graus.

Und singt: was macht a Pudl do~
 A gschpäßigs Gesicht,
 Wann ihm a Kagl auf an Baam
 In d' Augn sticht.

„Hör' auf, wo hast dees Liebl her,
 I ho~ schö~ gnua!“ —
 „„A junger Jager hat mar's g'lernt,
 Dees is mei~ Bua.““

'S Gebet.

A gar kloans Diendl mit der Muatta
 Hat in der Kirch' in Sunnta' 'bet't
 Und 's Maderl war so voller Andacht,
 Als wann s' es halt recht nöthi' hätt';
 Dees hat der Muatta gar guat g'fall'n
 Und nach der Kircha sagt s' dazua:
 Du bist amal a rechte frummi,
 Du hast scho' 'bet't in aller Fruh',
 Was hast jetz' 'bet't, dees muast ma sag'n,
 Du Schazerl du, so brav und nett,
 Und 's Maderl sagt auf ihra Frag'n:
 „Daß d' Kirch bald aus werd, hon i 'bet't.“

Der Bua vo Wimbach.

„In Wimbach hat's a rogl's Gwänd',
 Bua dees vergiß fei nit,
 Und wag' beyn Birschn nix umsunst
 Und acht' auf jedn Schritt',
 Und denk' fei an die Nebi'n aa,
 Die san gar gschwindi da,
 Denn alles Jagern hat an' End',
 Fallst ebber amal 'ra.' —
 Der Förschter sagt's, der Bua der geht,
 Ihm weiter is nit bang,
 In Fürwiß denkt er, extra machst
 Jeg' heunt an' scharpsn Gang.
 Da steigt er über 's Zirkneß
 'N hochs Wazmann zua,
 Da is's an' diem wohl fürchti wild
 Und dengerscht wagt's der Bua.
 Und wie er steigt, wo gar foa Baam,
 Roa' Latschn nimmer steht,
 In lauter Felsn, lauter Gwänd',
 Wo 's grausi aba geht,
 Da zieht a weißer Nebi 'rei',
 Von Hoch = Eis kimmt er 'rauf,
 Ziegt gschwindi 'rüber über d' Schneid
 Und gegn 'n Wazmann 'nauf,

Und mit an Vaterunserlang,
 So sicht der Bua nix mehr
 Und allewei~ no~ irger kimmt's
 Und eisi~ kalt daher.
 Wo aus jeh' o du armer Bua
 In so an~ schiech'n Ort? —
 Da denkt er wohl gar kummerli~
 An Förschter sei'n Wort,
 Denkt an sei~ alti Muatter z' Haus,
 O Gott, wie's gschegn kunt,
 Der Nebi bleibt oft wochelang,
 Ra~ liegst wohl todter drunt'.
 Und finster werd's, die Nacht bricht ei~,
 'S geht ihm durch Mark und Boa~,
 Wann's saust und raffit ober ihm,
 (So thuat an diem' a Stoa~,
 Der abafallt und der in Fall
 No~ andri mit ihm nimmt,
 Da moanst ja do~, so grausi~ is's,
 Der leidi~ Teufi kimmt.) —
 Es war a langi, langi Nacht
 Und werd koa~ besserer Tag,
 Da red't an Engel ihm in's Herz:
 Frau Gott und nit verzag! —
 Da hat er 'bet't und nit für ihm,
 Grad für sei~ Muatter z' Haus,
 Daz f nit der Gram um's Lebn bringt,

Raam er just nimmer 'naus,
 Und schau, wie d' Noth am grösstn war
 Und er si~ kaam mehr halt't,
 Da rührt si~ 's unter ihm und wachst
 A Zirbn aus an Spalt,
 Und weiter abi wieder so,
 Der Bua verwoas si~ nit,
 Er packt die Zirbn und laßt si~ 'ra
 Und glückli~ gehts damit;
 Und Zirbn stenga auf amal
 Bis abi über d' Wand
 Und geb'n ihm an sichern Halt
 Bey jed'n Schritt für d' Hand.
 So steigt er furt, schier halber todt,
 Da geht der Rebi aus
 Und wieder sieht er frei in's Thal,
 Sicht wieder 's Förschterhaus,
 Nimmt zu der Muatter wieder hoam,
 Dees hätt' er nimmer denkt, —
 So hat ihm Gott für sei~ Gebet
 In Gnadn 's Lebn g'schenkt. —

— Roa~ Zirbn war mehr an den Plaz,
 Wie's hoater worn is,
 Und fahl no~ stenga dort wie eh'
 Die Stoa~ und Felsn-Niß. —

'E adeligi Diendl,

Mei' Diendl hat gar viel Name,
 Mei' Diendl muas von Adel sey,
 Sie hoast die lieb', die schö', die lusti'
 Und Lene hoast s' und hoast die mei'.

Sie hat aa gar a fürnehm's Wappn,
 A Rosn, die steht obn o'
 Und drunter is a schneeweiß's Herzl,
 Da hängt a silbers Kettl dro'.

Ihr Stamm is aa so guat wie vaner
 Und blüh'n thuat er, wie der Mai,
 Alt is er nit, und i muas sogn,
 Dees find' i just so schö' dabei.

Und 's is mir aa koa' bißl z'wider,
 Daß mar 'n nit übrall woas und nennt,
 Denn schau, es hat halt seini Sachan,
 Wann so an Stamm a jeder kennt.

Und 's Wappn thuat a Löw' biwacha,
 Verstandn, und der Löw' bin i',
 Meinoad! i ließ's nit aus dees Diendl,
 Ja ehnder z'reißn ließ i mi'!

Der Baam in Paradies.

Es steht a Baam in Paradies,
 Der hat a raari Blüh',
 'S geit auf der Welt viel schöni Baam,
 An sellan sicht ma nie.

Es sig'n viele Engerln 'rum,
 Die gebn wohl drauf Acht,
 Denn an den Baam, verstehst mi', wachst,
 Was d' Mensch glückli' macht.

Und wann's in Himmi dunkel werd
 Und Feierabend is,
 Geht unser Herrgott allemal
 Durchs ganzi Paradies,

Und schaut ob Alles in Ordnung is
 Und schaut den Baam aa o',
 Und wann's 'n freut, so nachst er
 Und schüttelt a wen'g dro';

Da fall'n die Bliemin auf die Welt
 Mit Herrlichkeit und Pracht
 Und den a so a Bliemi trifft,
 Den hat er glückli' g'macht.

Der woß oft gar nit wie ihm gschicht
 Und kennt si gar nit aus,
 Die 'bratne Taubn flieg'n ihm
 Von selber in sei Haus,

Und werd gar gschwind a reicher Mo,
 Wie's halt an dieweiln is,
 Dees kimmt von sell'n Schüttln her,
 Von Baam in Paradies.

Und weil dees Gschichtl nit verlogn,
 So hat ma 's Sprüchl gmacht,
 Und hast es gwiß gar oft scho gehört:
 „Es kimmt 's Glück über Nacht.“

Der Lanks (Lenz).

Suche! der Lanks is wieder kemma,
 Bun Himmi singa d' Lercherln 'ra,
 Der Muatter Gottes ihri Bögerln,
 Die Schwalb'n aa san wieder da.

Und auf die Berg is's schö und aaba
 Und wieder geht der Wasserfall,
 Und Kerschn blüh'n und feini Bliemin,
 Es is a Gartn überall.

D schöner Lanks, thaats't no grad bleibn
 Und gangst so gschwindi mit davo,
 Raam aber kimmst, so gehst scho wieder,
 Ha sag', was habn s' dir ebba tho'?

Gei rupfa thien s' di, macha Sträußln,
 Und Bliemin nimmt, wer grad oa mag,
 I sag' dees kannst halt du nit leidn
 Und zürnst di drüber alli Tag'.

Versteh' mi recht, i nimm koa Bliemi,
 I laß dar s' gern, bleib' grad bei mir,
 Geh' bleib' bei mir a bißl länger,
 I dank' dar tausendmal dafür.

Die Farb'.

Wie ma' verthoalt hat auf der Welt
 Die Farb'n 's erstimal,
 Da hätt' der Fuchs a' grüni mögn,
 Hat g'sagt, ihm waar gar viel dra' g'legn,

Denn Grün, dees thaat in Augnan wohl,
 Waar aa die Hoffnungsfarb,
 Er möcht' koan' Mensch'n zwider sey'
 Und Grün, dees waar halt so viel fet'.

Begn meiner hat der Engl g'sagt,
 Der d' Farb'n hat verthoalt,
 Bals d' brav bist, sollst dees Gwandl tragn,
 Der Fuchs hat dankt, ja nit zun sag'n.

Jez' war er grü' wie Buche's Laab
 Und hat so daasi tho',
 Als waar halt er die guati Stund,
 Als wann er nit siebni zähln kunnt.

Und stiel't si' a' gar gschwind in's Holz
 Und schleicht dahi' in Gras,
 A Hasl schaut 'n freundli' o',
 Da hat er den erstn Schnapper tho'.

Und nimmt's glei~ mit, als hätt' er grad
 A~ wen'g a~ Muckn g'fangt
 Und frist's und klaubt ihm g'schwindi d'rauf
 Am Feld a~ Hendl aa no~ auf.

Dees grüni Gwandl hat ihm taugt,
 Weil er nit sichti war,
 Beim Tag da hat er Gschäftn g'macht
 Und prächtig g'schlafa bey der Nacht.

'S is aber bald a~ Mettn worn,
 Wie daß der Fuchs so böf'
 Und daß mar ihm no~ hilft mi'n Gwand
 Jun Stehln, dees waar ja do~ a~ Schand'.

Da hat's den Farbnuengl g'reut
 Und hat 'n g'rufa glei~
 Und streicht 'n unbarmherzi o~
 Brinnroth und sagt 'n so davo~.

Jez' sicht mar 'n halt vo~ weitm scho~,
 Drum hockt er staad bei'n Tag,
 Grad bei der Nacht da thuaf's es no~,
 Daß er a~ wen'g 'was stehln kö~.

— Waar's bei die Mensch'n aar a so!
 Da is's vergeßn worn,
 Da geht der Spigbua Nacht und Tag
 In alli Farb'n, wie'r er mag.

Der rechte Mo.

Dem 's gleich is, is er, was d'er will,
 A Henna odr a Ho,
 Bua der bideut't ihm gar nit viel,
 Is nit der rechte Mo.

Der aber schneidi is, verstehst,
 Den foaner narr'n ko,
 Und der was is und is aa was,
 Dees is der rechte Mo.

Der allzeit denkt, was soll i 's thoo,
 I ho ja nix davo,
 Der übrall nix als gwinna will,
 Is nit der rechte Mo.

Der aber denkt, für guati Bert,
 Da schaug foan'n Kreuzer o
 Und der an andern aa 'was gunnt,
 Dees is der rechte Mo.

Der loami is, sei Lebta nie
 An Zuchezer hat tho,
 Na Bua, a so an armi Seel
 Is nit der rechte Mo.

Der aber lusti eini schangt
 In d' Welt, der gfallt ma scho,
 Der juchezt, singt und rührt sie gern,
 Dees is der rehti Mo.

Jez' hast es ghört und mirk dir's halt,
 Was i~ da 'predigt ho,
 I~ moan's ja guat, moan's aar a so
 Und sey der rehti Mo!

Koa Trost.

Es hat a Diendl viel g'scherzt und g'lacht
 Und war so lusti~ und froh,
 Und auf amal wie über Nacht
 War's nimmermehr a so.

Ha Diendl, ha sag', was waar denn dees,
 Ha sag' was is dir g'schegn,
 Is ebba dei~ schneeweiß's Rahl furt,
 Dees d' gar so gern hast mögn.

Hat ebba der Wind dein~ Nagerlstock
 Bon Fenster abi 'feit,
 Es war'n so schöni Bliemin dra~,
 I~ woaß's, die habn di~ gfreut.

Hat ebber a böser Schauer gschlag'n,
 Wie Kirter gwes'n is
 Und habn d' Leut koa~ Musi ghabt,
 Gel~ dees verdrießt di~ g'wis.

„„Koa Rahl, na, koa Nagerlstock,
 Koa Schauer ko~ dafür,
 Mei~ Bua, der is mer untreu worn,
 Mei~ Bua der laßt vo~ mir.““

Mei~! Diendl, was is's um an Buabu,
 Der dir sei~ Lieb verlehrt,
 Schau, wann er untreu worn is,
 So war er z'erscht nix werth.

Um so an Buabu is toa Schad',
 Der hot toan' Ehr in Leib,
 Und wann er di~ aa gheureth hätt',
 'S waar grad zun Zeitvertreib.

„„D mei~ Gott ja, Es habts wohl recht
 Und dengerscht, 'woaß nit wie,
 So is ma~, daß i~ sterb'n möcht',
 Den Buabu vergiß i~ nie.““

Da hat dees Diendl bitter gwoant,
 Der Ander' aa war still, —
 Es geit halt Sachan auf der Welt,
 Da nußt der Trost nit viel.

Der Gambsjager.

Wo 's Edelweiß blüht in der Felsnwand,
 Da drobn bin i' gar wohl bekannt,
 Da drobn freut mi' mei' Leb'n sei',
 I' moa', es kunnt' ninderscht schöner sey'.

Da drobn, da hast an Fried' vor die Leut',
 Da is's ihna z' hoch, es is' ihna z' weit,
 Da drobn bist mit dein' Gott alloa',
 Da laßt st' All's leicht und fröhli' thoa'.

Und mag vater sagn, was er will,
 Wird's dort auf d' Nacht so einsam, so still,
 Und wann über d' Schraafn funk'n die Stern,
 So bet' i' wahrhafti' no' so gern.

Moanst wohl a Gambsjager waar so arm
 Und waar so verlaß'n, daß Gott d'erbarm',
 Es is' nit a so, schau denk' no' dro',
 Wie kaam er denn sunst mit'n Leb'n davo'.

Wie gleimer bein Himmi, wie sicherer bist,
 Daß di' bei' Schutzpatron nit vergißt,
 Herunt' in Gewurl, da kunnt's leicht g'segn,
 Er thaat di' nit allemal richti' segn.

Und schau, der Teufel, sei Lebta nit dumm,
 Der thuat sie herunt' aa viel lieber um,
 Wo d' Mensch'n so Rudlweis beianand,
 Da fangt er ja leicht oan mit der Hand.

Da drobn, da thaats der Müh' nit o,
 Es kunnt' ihm aa gschengn, er fallet ro,
 Denn an Jager den steht sei Schützengl bei,
 Der Teufel hat koan, der tuglet glei.

Drum bin i' gern drobn in meini Wänd',
 Wo der Gamsbock auf und nieder rennt,
 Wo d' Mankei'n pfeifa unter die Stoa,
 Bi' gern mit mein' Gott da drobn alloa.

Die Prob'.

Ĩ hõ mã denkt, balt d' heirathst,
 'Was bsunders suachst dir 'raus,
 Und frag' añ fluagn Bettern,
 Wie kennt mã sĩ da aus.
 Der Better sagt, nix leichters,
 'N Steg kennst bei der Mühl',
 Da genga in añ Sunntã
 In d' Kircha Diendln viel.
 Dort thuast am Weg añ Spiegl
 Schö̃ mittn eini legn,
 Und muaßt dĩ guat verstecka,
 Damit s' dĩ feĩ nit segn;
 Zeß nacha nimmst halt oani,
 Die, wann s' den Spiegl find't
 Mit eini schaugt, verstehst mĩ,
 Dees is ã bsunders Rind. —
 Der Rath, der hat mir gfañ,
 Und d'rauf in Sunntã gleĩ
 Leg' ĩ in Weg den Spiegl
 Und richt̃ mĩ hĩ dabei.
 Hab' nit lang wartn derfa,
 So kimmt schon oani her,
 Ã groß's a saubers Diendl,
 Just wie's nach meiñ Begehr.

Sie hat scho' gstugt von weitm,
 Wie s' da dees Spiegegl sieht
 Und über dees Bewundern
 War s' schöner no' in G'sicht.
 I' duck' mi' wie a Hasl,
 Mei' Spiegl funklt scho'
 Und 's Herz dees hat ma' g'schlag'n, —
 Jetz' bleibt dees Diendl steh'.
 I' dent' ma', schaug' nit eini!,
 Ja wohl! glei' hat s' es tho',
 Da schrei' i': Her mein' Spiegl!
 Und fang' von vorn o'.
 Wahrhafti' ganzi Rudln
 San kemma nach anand'
 Und alli gaffa s' eini
 Ah Sapprewalt die Schand!
 Und z'legt kimmt, möchst es glaab'n,
 A Capaziner gar,
 Und der schaugt aar in Spieg'l,
 Da werst ja do' a' Narr'! —
 Jetz' woag' i's, ebbes bsunders
 Is raar, i' kenn' mi' aus,
 'Muas' scho' 'was anders nehma,
 Sunst werd glei' gar nix d'raus!

'S Bild.

In alt'n Gschloß bei unsern Herrn
Hängt in an Gang a Bild,
Da steh'n i~ oft gar lang davor,
So freundli~ is's und mild.

Es is a Maderl mit an Huat
Und mit an golbern Gwand,
A sammets Bendl hat s' an Hals
Und a Ros'n in der Hand.

Dees Bild is schier an Alterthum,
Steht d' Jahrzahl aa dabei,
Ja in an Eck mit rother Farb'
Steht sechzehnhundert drei.

O mei~ Gott, die is aa lang gstorbn,
Wer muß s' wohl gwesn sey~,
A Fräula halt, a Gräfin gwiß,
Wie kaam s' denn sunst da 'nei~.

Und drei~ schaut s', jung und liebli~ grad,
Ho~ nie so oani gsegn,
Wen hat s' wohl gern g'habt ihrer Zeit,
Was hat s' wohl für oan mögn? —

I~ wolt glei~, i~ hätt' sellm g'lebt,
 Es waar ma nett aa Ding, —
 Geh' weiter du? was fällt dir ei~
 Du waarst ihr dengerscht z'gring.

Warum? bi~ ja a saubrer Bua,
 Wohl so a Madl werth,
 Mit jedi Gräfin nimmt an Graf,
 Dees hat ma oft scho~ ghört —

Zeh' schreibt mar achtzehnhundert vierzg,
 Is aa loo~ Freud dabei, —
 Mir waars vor Alters lieber gwest
 Um sechzehnhundert drei.

Die Irrwurz.

Der Bua kimmt spat zun Batern z' Haus,
 Der gront, wo warst so lang?
 Der Bua hat Schmalz gholt von der Alm
 Und flucht: „Der Teufelsgang,
 I~ waar scho~ gwis~ drei Stund' dahom,
 Hätt' i~ mi~ nit verirrt,
 'Muas~ auf an~ Irrwurz 'tretn sey~,
 Die hat mi~ so verführt.“
 Der Schlangl aber hat nit g'irrt,
 Wie er da glog'n hat,
 Bei'n Diendl, bei der Sennderinn,
 Da hat er si~ verspat't.
 „„Mei~ mei~! an Irrwurz, sagt der Alt',
 Dees magst ma~ du nit für,
 Wannst ebba gern hättst kemma mögn,
 Du waarst nit ganga irr'.““
 „Was? sagt de Bua, Ces wißt's es nit,
 Daß selli Wurzn geit,
 Da schaug' i~ no~, dees wissen ja
 Bei uns schier alli Leut',
 Fragts unser alti Miedl grad,
 Die hat mar 's oft verzählt,
 Die kennt s', sie sagt, sie habn a Farb',
 Kobell's Oberbayer. Gedichte.

Wie dumperß Kupfergelsb,
 Und wer auf so a Wurzn tritt,
 Der find't so leicht nit z' Haus,
 'S is grad, als wann ma' damisch wur',
 Ma' kennt' si' nimmer aus."
 So? sagt der Vater, da schau her,
 Mir weiter is's nie g'shegn,
 A so a Wurzn muas' seltsam sey',
 I' möcht' do' oani segn;
 Woast was, die Miedl muas' a so
 An' etli' Wocha 'naus,
 Muas' Lampi hüttn, da gehst mit,
 I' brauch' di' just nit z' Haus,
 Da hast zun Verna schö' der Weil,
 Wie's mit die Wurzn is,
 Die Miedl is gar guat und brav,
 Die lernt dir Alles gwiß,
 Na' schaugts, daß's selli Wurzn finds,
 Und bringts an etli' z' Haus,
 Auf d' Alm derweil schick' i' mein' Knecht,
 Der kennt' si' besser aus. —
 Da geht der Alt', böß schaukt der Bua,
 Und zieht 'n Fuas' in d' Höh',
 Jez', denkt er, bist auf d' Zerrwurz 'tretn,
 — Die Wurzn thuat satrisch weh.

Die Teufelsmühl am Pfundensee.

Es sitzt a Jager am Pfundensee,
 Der hat auf d' Mankein 'paßt,
 Er schaut auf d' Röhren manchi Stund,
 Wo ihm halt 's Mankei femma kunnt.
 Und wier er sitzt und schaut und denkt,
 So rappit's über'n See,
 Da drentn steht die Teufelsmühl,
 Heunt malt der Teufi woltern viel.
 Ha, was er ebba malu kunnt?
 Er malt a stoaner's Mehl
 Und bacht ihm goldeni Thaler draus
 Und giebt s' zun Locka fleißi' aus.
 „Mei! hat der Jager für ihm denkt,
 Lockt er die Lent a so,
 Na bin i' freili' sicher schier,
 Es kimmt ja nie a Gold zu mir.“
 Und wier er's denkt, da glanzn d' Stoa,
 Wo 's Mankei frisch hat g'scharrt,
 A goldner Thaler funkt 'raus,
 'n Jager überlanft a Graus.
 Es is a Thaler ja meinoa

Von feinstn gelbn Gold,
 Ja wann er nit von Teufi waar,
 Der Thaler waar ja so viel raar.
 Was fangt jeh' geh' der Jager o?
 Er war a frummer Mo,
 Er bet't und nimmt 'n Thaler mit,
 An Jaga stimmt koa Teufi nit.
 Er tragt 'n abi schau ins Thal
 Auf Bertlsgadn zua,
 Dort in der Kircha taucht er 'n sei
 In Weichbrunnkeßl woltern ei.
 Gel? dees verleidt koa Satansgeld,
 Furt war der Thaler gschwind,
 A Stoa, wie s' san am Teufishorn,
 So is a Stoa der Thaler worn. —
 Dees hat der Teufi nit versegn
 Und war fuchsteufiswils,
 Und hat a so ghaust in seiner Mühl,
 Weil er verlorn hat sei Gschpiel,
 Daß alli Fisch in Pfundnsee
 Vor Schreck' umgstandn san,
 Drum geits dort, wie die Leut verzähln,
 Koan Saibling mehr und koa Forelln,
 Und weil 'n a Jaga so g'irgert hat,
 Mag er koan vanzign mehr,
 Und von an Gold in die Manterlröhrn,
 Werst seit den Thaler nix mehr hörn.

No~, daß i~ 's nit vergeßn thua,
Derfelli Jageremo~
War seiner Lebta ohni Gold
Do~ glückli~, wie's halt Gott hat gwohlt.

Der guati Kerl.

I bin a guater Kerl,
 Wer giebt ma was dafür?
 's hat si no koaner g'rissn,
 Da will koa Mensch 'was wissn,
 Mit vana 'was vo mir.

Da hoast's, die guatn Menschn
 San seltn auf der Welt,
 Was nugt mi, denn dees seltn,
 Wer laßt mi d'rum 'was geltn,
 Wer giebt mer an Kreuzer Geld?!

Es san halt d' Leut' so sündhaft,
 Daß s' nit des Guati mögn, —
 Wegn meiner, i war a Perl,
 Jesh' wer i a böser Kerl,
 Bal's g'schegn is, is's g'schegn,

Na werd's glei anders pfeifa,
 Bal' 's hoast, du dem trau' nit,
 Der thuat koan ebbes gunna,
 Der Mensch ist nit verspunna,
 Da kimm sei aus damit.

— 'S is aber dõ nix gwes'n,
Ĩ will Ent sagn warum,
Nix g'lernt hats' g'habt die Perl,
Und für añ bö's'n Kerl
Verstandn, war er z'dumm.

Scheibschützlied.

Hui auf, hui auf wer schießn ko,
 Der richt' ihm heunt sein Stuzn o,
 Es glanzn d' Scheibna lusti' rei,
 Es waahn die Fahna so viel sei,
 Schlagts die Rugl 'nei! hui auf!

A Schuß is grad an Augnblick
 Und rund is d' Rugl wie das Glück,
 Drum habts die Augna hell und frisch
 Und zappelts nit als wie die Fisch,
 Sunstn trefft's 'n Wisch! hui auf!

Hui auf wann los der Pöller geht
 Und prächt' die Maschin' aufsteht,
 Der Zieler kaam sein Augna traut
 Und Alles laaft und fragt und schaut,
 Bua da is so laut! hui auf!

Und wann der Zieler springt und tanzt
 Und 's Blei am gelbn Punkt'n glanz,
 Da giebt's oan bis in's Herz an Riß,
 Wer nit a Rudlwalger is,
 Ja ja dees is grüß! hui auf!

Es lebe hoch der Schützenstand
Und kaam' der Feind in's Boarnland,
I~ woaks, er bleibet gwiß nit lang,
Mir naahma 'n glei~ als Ruglfang,
Ja als Ruglfang! hui auf!

Die guatn Ding'.

Alli guatn Ding' san drei,
 Des erschi: g'sund und frei,
 Des zwoati: a' brav's Wei'
 Und 's dritti: Geld wie Heu!

Na! vier san alli guatn Ding',
 An' Freund, den acht' nit g'ring,
 A' Wei' langt nit so weit,
 Nimmt ebber a' bössi Zeit.

Na! fünfi müß'n 's sey',
 Denn schaugst nit lusti' drei',
 Lebst dengerscht sammt die vier
 Als wie a' Murmithier.

Na! sechsi, denk' no' dro',
 Wie schauget mar di' o',
 Hättst gar koan' Buabn nit,
 Es waar aa' nix damit.

Na! siebni, wo der Bua
 G'hört 's Diendl aa' dazua,
 A' Stubn voll Kinder glei',
 Sunst is koa' Freud dabei.

Na! ahti — Läßt's mi' aus!
I' sich's, i' kimm nit 'naus,
Die guatn Ding san viel,
Wer s' alli habn will.

A~ Betrübnuß.

Mei~ Gott, furt is 's Lisei, furt,
 Hat nit bleib'n mögn,
 Und sie war ma~ so viel lieb,
 Ho~ f' so gar gern g'segn.

War ihr aa~ nit zwider just,
 Hat f' mi~ aa oft traagt,
 Dengerscht hat f' gern g'scherzt mit mir,
 Gern vertrauli~ gschwagt.

Recht gern hat f' mi~ do~ nit g'habt,
 Na recht gern, dees nit,
 Sunstn hätt' f' wohl ebba g'sagt,
 Woagt 'was, geh' halt mit.

Ob i~ da waar oder dort,
 Arbet faand i~ scho~,
 Aber gsagt hat f' nix zu mir,
 Nix dergleicha tho~.

Und jeh' san ma weit vonand',
 I~ in Land heraus,
 'S Lisei drobn in Tegernsee,
 Is vo~ dortn z' Haus.

Wann i' hinschaug in die Berg
Fallt's mer allzeit ei',
Runnt' i' grad a' Viertlstund
Bei mein' Lisei sey.

Ob s' an diem wohl an mi' denkt,
Wußt i's, gaang i' glei',
Aber na, sie denkt nit dra',
Dees is scho' vorbei.

Der Bocktrinker.

„Um elfi trink' i' 's ersi Glas,
 Dees is die rechte Zeit,
 So ghört se si und anders nit
 Bei sachverständigi Leut.
 Um halbi zwölfi kimmt des zwoat'
 Und war des erschi guat,
 So woach a jeder, daß des zwoat'
 No so viel wöhler thuat.
 Um zwölfi nacha kimmt des dritt'
 Dees waar des b'est' meinoad,
 Dans aba thuat ma weh dabei
 Und is ma allzeit load,
 Ma sollt' halt nach den drittn geh',
 'S waar gnua für in der Fruh',
 So gschwindi furt von dera Freud,
 Was sagst jeh' da dazua?"
 „Ja no! es fällt an Apfi aa,
 Schau wann er zeiti is
 Und bleibet gern no auf sein Baam,
 Es giebt ihm halt 'n Riß,
 'Hat Alls sei Zeit und Alls sei End,
 Dees weist der Apfi aus
 Und was dahier auf Erdn is
 Dees hat foa bleibends Haus."" —

„Jez schaugts ma da den Döster o,
 Däß i an Apsi waar!
 Und stößt mi aa der Bock, zun falln
 Bin i no lang nit schwagr,
 Mit deiner Predi zieg di du,
 Dir seit's in obern Stock,
 Mit deini dumma Apsi'n da,
 Die ghörn nit zun Bock! —
 He eingeschenkt! —

Der Ruchhecher.

In Griechaland hon i' an' Ruchhecher g'segn,
 Wie hat mi' der Vogl gfreut
 A' guata boarischer Ruchhecher war's,
 Nett wie er bei uns dahoam schreit.

Mit seini Flügl schö' blau und weiß
 Vor meiner is er g'hupft,
 O Ruchhecher, hon i' mir denkt, gieb Acht,
 Daß di' foa Griech' d'errupft!

Er war, wie i', nit bsunders wohlauf,
 Ja no', dees glaab' i' schö',
 Da brinn is's anders, wie heraus,
 Da kunnt' ma' verzähln davon'.

Da wachst foa' Dachbaam wie bei uns
 Frisch, wie 'n a' Hecher liebt,
 D' Olivn, die trauriga Gelberbaam,
 Die macha oan 's Herz grad betrübt;

Da hat er foa' Wiesn mit Bliemin d'rauf,
 'S is Alls zun Tod verbrennt,
 Und sicht er an' Vogl, so mirkt er's glei',
 Daß er dra' foan' Freund d'erkennet.

Die griechischn Bögl, die mehrern san
 Vom Habicht- und Adlerschlecht,
 Bei selli Kammradn no ja, da kimmt
 A boarischer Ruckhecher recht!

I ho's ihm aa gsagt: o Hecher mach',
 Daß d' wieder in's Boarn kimmt,
 Und i' kaaf dir aa gern no an Oka Hanf
 Schau wanns d' mi aa mit nimmst!

Die Wünsch'.

Es sißn beinander beim Bier
 Rammradn a Stück' a vier,
 Die habn von Wünsch'n g'redt
 Und weller dees mehreri hätt'.
 Der oa' sagt, dees wußt i' bald,
 I' wünschet mir grad an' Wald,
 Mit dem ma' z' Kalch brenna kunnt
 Den ganzn Wazmann von Grund.
 Der ander' sagt, und i' a' G'schloß
 So weitschichti und so groß,
 Daß der Kalch vom Wazmann nit langt,
 Bis ma' 's Dach zun Baua anfangt;
 Und der dritt' sagt, i' wollt' daß i' fund'
 So viel Geld, daß' Ent abkaafa kunnt
 Den Wald und dees ganzi G'schloß
 So weitschichti und so groß.
 Und der viert' sagt, i' wünschet mir schier
 Nix anders als no' a' Maß Bier.
 Da habn die andern glacht,
 Daß der's a so dalket macht,
 Und drüber a' fremder Herr,
 Der winkt der Kellnerinn her

Und zahlt ihm no zwoa Maß Bier,
Dem viertn da ov̄ die vier,
Die andern studirtn Füchß
Mit ihneri Wünsch' kriegn nix.

Die Schwalbn.

Es war amal a Vater,
 Der war hübsch alt und reich
 Und der hat ghabt zwoa Buabn
 Anander gar nit gleich.
 Der oa von denni Buabn
 War frumm und brav und guat,
 Der ander' war a falscher
 Und von an bösn Bluat.
 Jetz' is der Vater g'storbn
 Und macht die Buabn aus,
 Es soll a jeder kriegn
 Von ihm a bsunders Haus,
 Und dem zum ernstn baua
 Die Schwalbn unter 's Dach,
 Der kriegt no tausend Gul'n
 Und no a Gaartl nach. —
 Der guati Bua war trauri,
 Hat grad an 'n Batern denkt,
 Der ander' glei begieri,
 Wem 's Glück die Schwalbn schenkt.
 Und wie die Schwalbn kemma,
 So hat er nix als g'schaut,
 Ob koani an sei Häusl
 Dees liebi Nestl baut.

'S hat aber koani mögn,
 Jetz fällt dem Schlanke ei,
 A Muattergottesbild
 Dees locket s' vielleicht 'rei;
 Es g'hörn ja so die Schwalbn
 Der Muatter Gottes zua,
 „Die laß' i' mir geh' maln“
 Hat pfiffi denkt der Bua.
 Und gschwind a Muatter Gottes
 Wird gmalt, schö roth und blau,
 Mit Mond und Stern und Vulkan
 An d' Wand hi' an sein' Bau.
 Was moants, was is na' gschegn?
 'Sammt All' den is's nix g'west,
 Bym Brudern aber drentn
 War bald des schönsti Nest.
 Wie kimmts? der hat koa Bild
 Zun Helfa bei der Hand — —
 — Was Heilig's drinn im Herzen
 Is besser als an der Wand!

Erläuterungen.

aa = auch; wenn es vor ein Wort zu stehen kommt, welches mit einem Vocal anfängt, so wird häufig ein r angehängt, z. B. hast aar oans? hast du auch eines.

aaba wern, bezeichnet das Weggehen des Schnee's von den Bergen, z. B. 's is zeiti aaba wern, der Schnee ist bald (frühzeitig) weggegangen. An aabena Fleck, ein Platz wo der Schnee weggegangen ist.

abkaafa = abkaufen.

Ahnl, Aahl = Ahnherr.

ämäl = einmal; auf ämäl = auf einmal d. i. plötzlich, bei besonderer Betonung sagt man auch auf oamal und als Zahlwort oamal.

Antn, Antn = Enten.

Kobell's, Oberbayer. Gedichte.

Baam = Baum und Bäume.

Bliemi = Blume, Blümchen, wird ähnlich ausgesprochen wie das französische *Blin* mit einem angehängten *mi* (*blinmi*).

bloach = bleich, das *bloa* wie die Endung von *emploi*, das *p* aber weich.

Blocha, Blache, großes Stück Leinwand, womit z. B. die Lastwagen bedeckt sind.

Boarn = Bayern.

Boa, ein Doppelbier, welches in München im Mai getrunken wird.

Boschn = Gebüsch.

brinnroth = brennend roth.

brocka = pflücken.

brummit = brummt.

Buschn = Strauß.

Bupei = Ruß, Küßchen.

Camēdi = Komödie.

daasi, still aus Mangel an Offenherzigkeit, duckmäuserisch.

Daarn = Tannengebüsch, auch Tannenzweige.

dahoam = daheim.

Dampes, Daampes = Rausch.

datho von dathoa, zu wegebringen.

dawischt = erwischt.

dengerscht, dengert = dennoch, doch.

Diäl = Benedict.

Diendl = Mädchen, ähnlich ausgesprochen wie das
französische dinde mit angehängtem l; meistens
hört man das n.

dieweiln, diawei'n = zuweilen.

draacht = dreht, wendet.

drentn = drüben.

ebba = etwa.

Eß. Ein vorspringender Felsen, überhaupt ein Vor-
sprung an einem Berge.

Ees, Ent = Ihr, Euch.

ehna, ähna = ihnen.

ersch = erst, g'ersch = zuerst, zuvor.

feit = fehlt.

Felberbaam = Weidenbaum.

Firt = Fährde.

firti = fertig.

friegn s = fragten sie, würden sie fragen.

Gaartl, kleiner Garten.

Gambsein, diminutiv v. Gamsen.

gej = gelt.

geit = gibt, es geit gnu a = es gibt genug.

glaabt = glaubt.

gleimer, comparativ v. gleim, nahe. Wie glei-
mer = wie näher (auch dleim. Berchtesgaden).

Groamet = Grummet.

gront = jankt, brummt.

guat = gut.

gunnt = gönnt.

Handsche = Handschuhe.

Harpsn, Haarpfn = Harfe.

Hecher = Heher.

Henbl, Henl = Huhn.

heunt = heute.

hint lassn = zurücklassen.

ho = habe, das o wie im franz. on.

Ho, wie das vorige ausgesprochen = Hahn.

Hoch-Eis, ein felsiger Berghang unter dem Wazmann.

Hochzet, Hohzet = Hochzeit.

hoagartn, hoagaschn = auf Besuch zusammenkommen.

Huaf = Huf.

ihneri = ihren, ihre.

kaaf, kaufe, wie das franz. cave.

kaam = kaum.

Kalch = Kalk.

Kathrei = Katharina, nach dem Sprüchwort „Kathrei sperrt 'n Tanz ei“, weil vom Katharinentag an bis nach Weihnachten das Tanzen eingestellt wird.

Kei = Keil.

'keit, in dem gebrauchten Sinn = gestoßen, abi
kei'n, herunter stoßen, ei'kei'n, einkleilen.

kemma, kommen; is kemma, san kemma = ist
gekommen, sind gekommen.

er kennt õ = er zündet an.

kimm = komme.

Kini = König.

Kirter, Kirta = Kirchweih.

klecka = ausreichen.

kloaleizi = kleinwinzig, winzig klein, an̄ klo-
leizinga Buabn, einen winzig kleinen Buben.

kloaweis, kleinweis = allmählich, nach und nach.
kõ = kann.

koana — keiner, koa = kein, wie das franz. coin.

Kreister heißt das Bett einer Sennerrin.

Krickln heißen die Hörner der Gemse.

Kruag = Krug.

kunnt' = könnte.

Laab = Laub, in Labern, im Laub.

Laabn heißt im Gebirge die offene Galerie an den
Bauernhäusern.

Laane, ein Wiesenabhang auf einem Berge.

läbät, läwät, im Spiel für verloren seyn, aus
dem franz. la hête.

Lanks = Lenz, Frühling.

Lampi, Laampi, Lamm auch Lämmer, Lampi
hüettu = Lämmer hüten.

läßt von mir, verläßt mich.

leit = liegt.

Liechtⁿ heißt ein freier Platz auf einem Berg oder Berghang. Almliechtⁿ.

Lisei, Diminutiv von Elisabeth.

loami, von Loam, Lehm, lehmig.

loant = lehnt.

loäa = locken.

Loder, Loda = Bursche, Leda = Burschen.

lust, lunst = horcht.

lustⁿ = gelüsten.

Mäu = Maul.

Mankei = Marmelthier, in Bauen lebend, wie die Kaninchen, daher Mankei-Röhr'n, Mankein der plural.

Mauser, eine Art Geyer.

Mei! für „mein Gott,“ du mein Gott, als Ausruf.

Meinoad = bei meinem Eid.

Miedeⁱ, das diminutiv v. Maria.

Mo = Mann, wie das franz. mon.

moants = meint ihr, i[~] moa[~], ich meine, wie das franz. moins.

Moaster = Meister.

mutter sloa = mutterselig allein, ganz allein.

Naagerl = Nette.

na = nein.

nettet = fein, richtig, accurat, als Adverbium.

Neu, in der Jägersprache ein frischgefallener Schnee.

noagt = neigt.

õ = an, wie das franz. on; schaug'n 'n õ schau
ihn an.

Dachbaam = Eichbaum.

Obstler = Obsthändler.

Oka, ein griechisches Maaß, 2½ Pfund.

Pasch = Würfel.

raaffa = raufen.

Raapi = Rapp, diminut.

Retzl, eine Mehlspeise, Schmarren.

Ruabn = Rüben.

rumpin = rumpeln.

Sachan = Sacken.

san = sind, das a wie im franz. santé.

Schar beim Tanze, eine Gesellschaft von Paaren,
welche zusammentanzen.

Schauer = Hagel.

schiech = wild, häßlich.

Schlankl = Schlingel.

schlauderisch = leichtsinnig, übereilt.

Schneid' heißt die höchste Gebirgskante.

schneidi in dem gebrauchten Sinn = muthig, so
auch Schneid für Muth.

Schraaen, auch Schnaaen = einzeln stehende oder
vorspringende Felsen. (Berchtesgaden).

Schroa = Schrei.

schuht, wirft, er schuht's 'nauf = er wirft es

hinauf (hat aber nicht die Bedeutung eines heftigen gewaltsamen Werfens).

schwaar = schwer.

felles = solches.

selm, je nach der Verbindung damals und selbst.

Sepp = Joseph.

Si = Sinn.

staabt = staubt.

staat = still, das a wie in façade.

stenga = stehen.

Stoa, Stoana = Stein, Steine.

Stroafei = Streifchen.

suach = suche.

Summa = Sommer.

Sunna = Sonne.

Sunnta = Sonntag.

sunstn = sonst.

taugsam = tauglich.

Tenna = Tenne.

thien, thaan = thun.

thuat; thaat = thut; würde thun, thäte.

traamt = träumt, geträumt.

umanaand = herum, ringsherum.

verwind't, verwindet, durch den Geruch wahrnimmt.

Jagdsprache.

verzoacht = verzeichnet.

waar = wäre.

wampet = dickleibig.

Wei = Weib.

weitschichti, weitläufig, für ausgedehnt, groß.

weni = wenig.

woana = weinen.

woaß, weiß von wissen, als adjectiv wie im Hochdeutschen weiß.

wohlfi, woßi = wohlfeil.

woltern, woßtern = wohl, kommt auch als adjectiv vor in der Bedeutung von gut, brauchbar
z. B. a woßterni Bir.

Zirbnack, ein Berg im Wimbachthal in Berchtesgaden.

Zoacha = Zeichen.

zwoati = zweite.









